



सानसेयारि **“बड’सा”** खरीरालाइयाव
स्माजयारि जिउजो लोब्बा थानाय रायथाय, खन्थाय,
खल, खल’बाथा आरो दावबायारि थावनि, पार्क
बाइदिनि सायाव लिन्नाय लिन्बिदाँ दैथाय हर्/
सानसेयारि **“बड’सा”** खरीरालाइया सेबखानाबै
फोखावगेन/
बड’सायाव लिन्हर्नायनि हुढा खलाम,
“बड’सा” खरी नोथां, जो बयबो आंगो खलाम।
सानसेयारि बड’सा मावकुलि
माइबं नोगोर, जोहोलाव दैमालु लामा
कक्राझार, बिटिसि-783370
Website: www.bodosanewspaper.com

BODOSA ★ A Bodo News Daily ★ Tuesday ★ 1 July, 2025 Kokrajhar, BTC, Assam ★ Vol.-35, Issue No.97 ★ R.N.I.Regd.No. 40994/91, Assam Govt.Regd.No.IPRD. 40/2006/3, Rs.8/-

गलाघाटआव गोदानै लुफुंनाय स्टेडियम बेखेवदों गिबि मन्थि ड॰ हिमन्त बिश्व शर्माआ गलाघाट जिल्लाआ गासै खोन्दोआवनो गोस्त्रैयै जौगानायनि फारसे आवगायगासिनो: गिबि मन्थि

दिसपुर, 30 जुन : गिबि मन्थि
ड॰ हिमन्त बिश्व शर्माआ दिने
गलाघाट सरकार बेजबरुवा
गोजौसिन गेजेरारि
फरायसालिआव गोदानै लुफुंनाय
स्टेडियम बेखेवनाने होदों। बे
स्टेडियम बेखेवनाय
हाबाफारियाव गिबि मन्थि ड॰
शर्माआ आसामनि सोलेंथाइ
खोन्दोआव फरायसाफोरनि
थाखाय गेलेनायनि खाबु
जगायनाने होनायनि बाश्ना बुनाने
गलाघाट सरकार बेजबरुवा
गोजौसिन गेजेर फरायसालिआ



गोदानै स्टेडियम मोनफुंनो
हानायनि थाखाय फरायसालिनि
गासै फरायसाफोर, फोरेंगिरिफोर
आरो स्टाफोरनिमिम
हमलायथि जसियो। बिथाड
बुडोदि, फरायसालिआ
सोलेंथाइ लानायनि
थानसालि नडा, बेयाव
सोलेंथाइजों लोगोसे उफ्रा
सोलेंथाइ जर’खायै गेलेमु
आयदानि सोलेंथाइखौबो
समाने लांफानो हायो। जौनि
सरकारआ सोलेंथाइजों लोगोसे
(□ 6 बिलाइआव)

सेरफांगुरिआव गोदानै लुफुंनाय रुंसारि टिकेन्द्रजित नार्जरी गोसोखां डिजिटल मिनि सिनेमा हलखौ बेखेवबाय

बिटिआर सरकारनिफ्राय सावथुन दिहुनगिरिफोरनो रांखास्थि
अन्सुंथाइ होनायनि राहा लागोन: प्रमद बर’

कक्राझार, 30 जुन : बर’
सावथुन मुलुगखौ फोजौखानाय
आरो सावथुन दिहुनगिरिफोरजों
लोगोसे फावगिरिफोरखौ थुलुंगा
होनायनि फारसे बिटिआर
सरकारनि मोनसे बाखायथाव
आगान। प्रमद बर’ दैदेन्नाय
सोलिफु बिटिआर सरकारआ
बर’ सावथुन मुलुगखौ
फोजौखानाय आरो सावथुन
दिहुनगिरि-फावगिरिफोरखौ
थुलुंगाखां होनायनि थांखिजों
बिटिआरनि गुबुन-गुबुन
जायगायाव गं 6 मिन सिनेमा
हल लुफुंनायनि थांखि लानाय
बायदियै कक्राझार जिल्लानि



सिडव थानाय सेरफांगुरिआव आबु महर मोन्दों।
गोदानै लुफुंनाय सिनेमा हलआ (□ 6 बिलाइआव)

बिटिसि सरकारनि बान्जानायाव जौगा सोलेंथाइ आरो बिजाब बाख्रिनि सांग्रांथियारि मेल



भवानिपुर, 30 जुन: बिटिसि सरकारनि बिजाबि बाख्रि सिबिथाइ
बिफाननि बान्जानायाव सालबारि बियाबनि भकुवामारिनि
नबजागरन गोजौ गेजेरआरि फरायसालियाव दिने जौगा सोलेंथाइ
आरो बिजाब बाख्रिनि सांग्रांथियारि हाबाफारि खुंफुनाय जायो।
बेनि थांखिजों नबजागरन गोजौ (□ 6 बिलाइआव)

भेरगावआव लामा फावथिनानि गेजेरजों रैखाथियारि सांग्रांथि होदों



उदालगुरि, 30 जुन: उदालगुरि
जिल्ला फोरमायथाइ आरो सुबुं
फोनांजाब बिफाननि
बान्जानायाव एवा उदालगुरि
जिल्ला खुंथाइनि हेफाजाबआव

दिनै भेरगाव फरायसालिमानि
सावराय न’ब्लाडव मोनसे लामा
रैखाथियारि सांग्रांथियारि मेल
खुंफुनाय जायो। सावराय मेलनि
गेजेरावनो मोनसे लामानि

फावथिना दिन्थिफुनायै लामायाव
रैखाथियै हान्था मेल
खालामनायनि सोमोन्दै नोजोर
होनो गोनां सांग्रांथियारि
हाबाफारिनि सोमोन्दै
दिन्थिफुनाय जायो। उदालगुरि
जिल्ला फोरमायथाइ आरो सुबुं
फोनांजाब बिफाननि गागि
मावख’आरि हेफाजाबगिरि
बिसब बसुमतारिआ
सामलायनाय बे मेलआव
भेरगाव फरायसालिमानि गोरायुं
(□ 6 बिलाइआव)

गिबि मन्थिआ गोदानै लुफुंनाय श्री श्री आतकेलिया नामघरनि नातघर बेखेवदों

आसामनि सुबुंफोरनि गोजोन खौसेथि आरो जौगाथाइनि
थाखाय मिथुल मन्दिरआव फुजा खालामदों



दिसपुर, 30 जुन : राइज्योनि
गिबि मन्थि ड॰ हिमन्त बिश्व
शर्माआ दिने श्री श्री आतकेलिया
नामघरआव दावबायहैदों आरो
बेयावनो गोदान लुफुंनाय
नातघरखौ बेखेवनाने होदों। बेजों
लोगोसेनो गिबि मन्थि ड॰
शर्माआ आसामनि थागिबि गासै
हारि-हारिसाफोर सुबुंफोरनि
गोजोन, खौसेथि,
(□ 6 बिलाइआव)

गिबि मन्थिआ एनआरएल फोजौखांनाय बिथांखि मावफुंगासिनो थानायखौ खौरां लाहैदों

फैगौ 8 सेप्टेम्बरआव हादतनि गाहाइ मन्थि नरेन्द्र मदि दावबायफैगोन

दिसपुर, 30 जुन : राइज्योनि
गिबि मन्थि ड॰ हिमन्त बिश्व
शर्माआ दिने गलाघाट जिल्लानि
सिडव थानाय नमुलिगर
रिपाइनारिआव दावबायहैनाने
दासान्दि मावफुंगासिनो थानाय
एनआरएल फोजौखांनाय
बिथांखिनि सायाव खौरां
लाहैनायजों लोगोसे फैगौ 8



सेप्टेम्बरखालि हादरनि गाहाइ
मन्थि नरेन्द्र मदिआ
दावबायफैगोनखो लानाने थाग-
थियारि खालामनायनि सायाव
(□ 6 बिलाइआव)



सानसोरां स्पर्टस क्लबाआ मोन 400 बिफां फुलि गाइदों

भवानिपुर, 30 जुन: सालबारिनि मख’जाथाव गेलेमु आरो
समाजआरि फसंथान सानसोरां स्पर्टस क्लबाबनि बान्जानायाव
खुंफुंजानाय ‘ग्रीन बड’लेण्ड मिचन’ हाबाफारिनि बाहागो महैरै
दिने सानसेनि हाबाफारि बायदियै सालबारिनि गेलेमु बिथांखिनि
लांगोनायाव बिफां फुलि गाइनाय जायो। बिफां फुलि गाइनाय
हाबाफारिखौ सालबारि जिल्ला गेलेमु गौथुमनि आफादगिरि
कान्तेस्वर बसुमतारिआ बेखेवनाने होयो। बिफां फुलि गाइनाय
हाबाफारियाव आलासि महैरै बाहागो (□ 6 बिलाइआव)

सालबारियाव एबसुनि 13 बोसोर बैसो सिंनि जोलुर बादायलायनाया जागायबाय



भवानिपुर, 30 जुन: सालबारि
स्टेडियमआव एबसुनि सालबारि
दख’रा गौथुमनि बान्जानायाव
बड’फा मिसन पर सास्टेनेबोल
सेन्स मावफुंनानि बाहागो महैरै
दिनैनिफ्राय आन्डार-13 नि
जोलुर बादायलायनाया
जागायजेनबाय। दिने गिबिसिनि
साननि गिबिसिनि राउन्डनि
(□ 6 बिलाइआव)



टिगमिसा बिजेपि बिजाथि थानाय
मोनफ्रोमबो बियाबआवनो बिसायख’थि
गेलेगोन : दिपेन रामसियारि

बिटिआर गोरोबथानि 6.3 दफानि सिडव सोलेंथाइ फसंथानखौ गनायथि होनायनि दाबि

दुलाराय बिटिआर गनायथि मोनै गुदि फोरेंगिरि गौथुमआ सोमावसारदों

कक्राझार, 30 जुन: प्रमद बर’ दैदेन्नाय बिटिसि
सरकारनि गुबै नोजोर आरो थांखिआ बिटिसियाव
गोजोन गाइसन्नाय आरो गोदान जौलैफोरनि
थाखाय मोनसे गोग्गो समायना रमायना
सोलेंथाइनि थासारि सोमजिहोनाने गुन गोनां
सोलेंथाइ होनाय। नाथाइ बेयोदि मोनसे
स्ल’गानल’ जानाने थाबाय, बेयो दिने रोखा जानाने



थाबाय। दासिमबो थिसनजायै 428 फरायसालिनि
दान बान्था गैयालासेनो फोरेंगिरि महैरै
फोरेंबोबाय थानाय फोरेंगिरिफोरा बेरेखा
सोमावसारनाय दिन्थिफुंनाने गावसोरनि
खुद्रिसारनायखौ फोरमायदों। मिथिनो मोन्नाय
बायदिल्ला प्रमद बर’ दैदेन्नाय बिटिसि सरकारनि
5 बोसोर आबुं (□ 6 बिलाइआव)

SINCE 1982

DAS JEWELLERS

1982 To 2025
43 Years
Anniversary

थांछि मोना-थांछि दाब

J.D. Road Kokrajhar

43 बोसोरआव आगान होबाय कक्राझार सहरआव
थानाय दास जुयेलासआ। बेनिखायनो बायगिरिफोरनो 43
जोखोन्दो बानायनायनि बेसेनखौ रेहाय होनाय जादों।
वे खाबुखौ 27 जुननिफ्राय 15 जुलाइ, 2025 सिम होनाय
जागोन। वे रेहायखौ कक्राझार रव’ रुमआवल’ होनाय
जागोन। गोसो गोनां सना बायगिरिफोर गाहायाव होनाय
फन नवबरआव जगाजग खालामनो हागोन।

For 43 years Anniversary of our Kokrajhar
Showroom gets a Gold Makeover a dis-
count 43% on making Charges,

Offer period 27th June to 15th July, 2025

Condition apply: This offer period is appli-
cable only for the Kokrajhar Town Showroom

Ph: 03661-355618,
Cell No.: 8876631728

सुजुगिरिनि खोलोम

मुलियारि बेन्दों-बेनला

गोदोनि समाव सुबुं माहारिनि थाखाय मुलि-फाहामगिरि गैयैलाय हाग्रायाव गोलेँयै मोनफुनो हानाय बाइदिसिना बिफां-लाइफांनि रोदा-बिगुर, बेन्दों-बेनलाफोरखौनो बुथुमनानै सानाय-सुनाय, बौनाय, लोमजानाय बाइदिफोराव मुलि महरै बाहायनाय जायोमोन। आधिखालनि मुलिफोराबो बे बिफां-लाइफांनि बिलाइ-बिगुर, रोदा आरो बेन्दों-बेनलाफोरजों दिहुन जानाय।

बर'फोरा मुलि महरै बाहायग्रा बिफां-लाइफांफोरनि सोमोन्दै बुंनानै फोजोबनो हाया। जॉनि न' सोरगिदिं मोनफुनो हानाय बेफोर मुलियारि गुन थानाय बिफां-लाइफांफोरखौ इयुनि थाखाय हाबायाव बाहायनो हाथाव खालामनो हायाखै। अब्लाबो गोथां थाजिम महरावनो बेफोर बिफां-लाइफां, बेन्दों-बेनला, रोदाफोरखौ मैंग महरै एबा ओंखि महरै बाहाय बोनानै मुलिनि गुनखौ मोनफुंनोदों बर'फोरा।

बोथोर लायै बोथोर मोनफुनो हानाय ओंखि एबा मैंग महरै बाहाय जानाय-उसुमै ,नोर्सि, अन्थाय बाजाब, खानसिसा, मानिमुनिफोरखौ बर'फोर सिनायै, मोनजायै गैफेरा जानांगौ। बेफोरनि अनगायैबो माइफ्राम, मैसुंखा, माजिथि, दाव मेवाइ, दाव फेन्दा, सिम्फ्र, दौस्त्रेम, मैथा सिख्ता, जोलावरि, आजोनाइ आरो सिब्रुफोरा बर'नि आंगो मैंगफोरनि गेजेराव गोग्लैफायो। खारोखा, बारसिखा, खार'खान्दाइ, बिसलोखोन मुलियारि लाइफांफोराबो बर'फोरनि आंगो मैंग। बेफोर बेन्दों-बेनला लाइफां हारिनि मैंगफोरखौ बर'फोरा मुलियारि महरै मैंग बाहायनानै फाहामगिरि, मुलि गैयै समफोराव बाहायनानै बेराम-आजार फाहामथाय होनायाव बाहायबोदों। फिथाइ-सामथाइआवबो मुलिनि गुन थायो होन्नानै जों मिबथिगौ। हाग्रायाव मोन्नाय आधिखाल न'नि बारियावबो मोनफुनो हानाय आमलाइ, बावरा, सेलेखा, खामब्रेंगा, थाइगिरि फिथाइफोरा मानसि आरो जिब-जुनातनिल' आदार नछ, मुलिआरि बानायनायावबो बेफोर फिथाइखौ बाहायनाय जायो। बर'नि थान बिदाब बाथौयाव गायनाय सिजौ, जाश्रासि आरो थुलुसिनि मुलियारि गुनखौ बुंनानै फोजोबनो हाया।

बर' खुगा मेथाय- आदि दिगा, माय बलंगा, मुगासं आरो बोसोर गोदान आरो बर'नि आंगोसिन फोबों बैसागु बरायनायाव बाहायनाय देगे बेन्दों, मोखोना आरो खाश्रि बिबारा मानि थाखाय जायगा मोनबोदों बेफोरखौ बर'नि रिसासं स्कलारफोरा टेसिसफोराव जायगा होयोब्ला बेनि गेजेरजोंबो बर'नि आसार-खाश्रियावदि- गोनोखोयारि सुलुं हाबसोनानै दड; बेफोरो रोखायै बेरखांनो खाबु मोनगोन।

मिबथिनो मोनो- बर'फोरहाबो सिगां समाव गावहानो आलादायै मुलि बिगियान दंजायोमोन नो। मानोना मोन्थोर आवरायनाय समाव माखासे बिफां-लाइफांनि खान्थै-रोदा, दालाइ, बिबार-फिथाइ बाहायनायखौ नुनो मोन्नाय जायो। बेफोरखौ नायनानै बर'नि बे बिगियानारि खाथिखौ फोथानानै लाखिनो आरो बोखांफिन्नाय हाबायाव बेजों सोमोन्दो थानाय सुबुंफोरा मदत होलायनायनि गोनांथि लानांगौ, जाहाथे बर'नि बेफोर गोनां बिद्याखौ मुलुग दरबाराव फोसावनो, बोखांनो आरो फोथानानै लाखिनायाव मदत मोन्नो हायो।

दिनैनि फान्जामुधि

राशि बाइदियै मुंनि गिबि हांखो

मेघ : अ ल बृष : ऊ ब (उ ए इ) मिथुन : क छ (ङ घ)

कर्कट : ड ह सिंह : म ट कन्या : प ट (ण ष)

तुला : त र बृश्चिक : ब न धनु : ध भ (ढ़ फ)

मकर : ख ज कुम्भ : ग श (स) मीन : द च (ख ज झ)

मेघ: जेथिंबो सांग्रां जानानै थानांगोन। जेखियानो जाया जेनायाव गोग्लैनो हागौ।

बृष: माबाफोर मुवा-बेसाद मोन्नो हागौ। दिनैनि दिनआ मोजां सान। गोजोन मोनगोन।

मिथुन: देहानि बोलोआ मोजाडै नो थागोन। गोजोन्नायखौ मोन्नो हागोन। मोजां सान।

कर्कट: दिनैनि दिनआव रांखावरि खामायनांगौआ खस्ट जागोन। गोसो हमथानांगोन।

सिंह: मोजां मोनलायनायाव जेना नुजानो हागौ। गोसोआ बोरफ्लांला बायनो हागौ। गोसोखौ हमथा।

कन्या: माबा मोनसे सान्नाय-हनाय जाफुंनो हागौ। गोसोखौ गोजोन मोनगोन।

तुला: शुभ खामानिआव आगान सुरनो हागोन। सान्नाया जाफुंनो हागौ। मोजां सान।

बृश्चिक: जाबाबो-लॉंबाबो जेखौबो थोनोरोडे खालामनाय जानो हागौ। गोसोखौ हमथानांगोन।

धनु: फिसानि फासैं मोजां मोन्नाय, गियान होनाया बांलांगोन। फारफ्रोमथिंबो मोजां।

मकर: देहाखौ लानानै गोसोखौ शान्ति गैयै मोनगोन। जैरेबो सांग्रां जानांगोन।

कुम्भ: बे राशनि थाखाय बेलासिनि (1:00) निफ्राय शुभ सम जागोन। मोजां खामानि मावनो हागोन।

मीन: देहायाव जालु-जाला जानाया जोबनाय नछ। महर मुस्तिआ साबसांनाय नछ। जेथिंबो सांग्रां जानांगोन।

दिल्ली सरकार आइएनएआव अर खामनायाव गोहोम गोग्लैनायफोरनो अन्सुंथाइ होनो फोसावदों

गोदान दिल्ली, 30 जुन : दिल्लीआव आइएनएआव अर खामनायाव गोहोम गोग्लैनाय क्राफ्टमेनफोरनि थाखाय दिल्ली सरकारआ गोबां रेहाय फोसावदों। 30 एप्रिलखालि बेवहाय अर नांनायजों मोन 24 गलाफोरा खामनानै सिलिंखार जाजोबदोंमोन। बे जाथायनि उनाव गिबि मन्थ्रिया गासिबो गोहोम गोग्लैनाय क्राफ्टमेनफोरनो 5 लाख रां अन्सुंथाइ होनो फोसावनाय जादोंमोन। दावबायारि मन्थ्रि कपिल मिश्राआ मिबथि होयोदि, 5 लाख रांनि खावलायनाया रेहाय रांखौ गनायथि होनाय जाबाय आरो 1 कौटि 20 लाख रांखौ

ट्राम्पआ कानाडानि टेक्स जाबसिन्नायनि सायाव गिदिर थांखि लादों

गोदान दिल्ली, 30 जुन: आमेरिकानि हादरगिरि डनाल्ड ट्राम्पआ बुंदोंदि, कानाडाजों फालांगियारि सावरायनाया बै समसिम थाबथागोन, जेब्लासिम बियो जर'खा टेक्स बोखारनायनि सायाव राजि जाया। ट्राम्पआ बुंदोंदि, कानाडानि डिजिटेल सिबिथाय टेक्सखौ गुगल, एमाजन आरो मेटा, सरीखे कम्पनीफोरनि सायाव गोहोम गोग्लैगोन। बे इन्टरभिउआव ट्राम्पआ बे बाश्राखौबो फोरमायदोंदि, टिकटकनि थाखाय बिथाड सासे बायग्रा नागिरना मोनबाय, जाय माखासे धोनि सुबुंफोरनि हान्जा एबा आफाद। बे आफादिनि मुंखौ बिथाड सप्तानैनि गेजेराव फोरमायगोन होन्ना बुडो। बेनि सिगां थांनाय शुक्रबारखालि ट्राम्पआ गावनि ससेल मिडिया जौसां टुथ्रआव कानाडानि डिजिटेल सिबिथाय टेक्सखौ आमेरिकानि सायाव गाग्लोबनाय होन्ना फोरमायदोंमोन। बिथाड बे टेक्सनि जाहोनाव कानाडाजों लोगोसे गासैं फालांगियारि सावरायनायफोरखौ बन्द खालामनाय जासिगोन होन्नानै बुंदोंमोन। लोगोसे बिथाड सांग्रांथि होयोदि, फैगौ 7 सानआव कानाडानि मुवा-बेसादफोरनि सायाव गोदानै टेरिफ जाबसिन्नो फोसावनाय जागोन। कानाडानि गाहाइ मन्थ्रि मार्क कार्नआ दासिमआव बे केन्सनि सायाव जेबो बिबुंथि होयाखै। आधिखालाव बिनि सरकारआ डिजिटेल सिबिथाय टेक्स फोसावनायखौ रेखा खालामदों।

उतखारि गाग्लोबनायनि दान मोन्नै उनाव पेहेलगामआव दावबायारिफोरा फैफिनबाय

श्रीनगर, 30 जुन :

पेहेलगामआव दावबायारिफोरा गिनायखौ उन फारसे खालामनानै फैफिनगासिनो दं। 22 एप्रिलखालि जानाय उतखारि गाग्लोबनायनि उनाव दावबायारिफोरनि अन्जिमाया दावखलायदोंमोन, जायनि जाहोनाव गाहाइ जायगाफोरखौ अरायथा नडै महरै बन्द' खालामनाय जादोंमोन। सप्ताहनै सिगां पार्क फोरखौ बेखवफिन्नायनि उनाव दावबायारिफोरनि अन्जिमाया

मोन 24 गलायाव गोहोम गोग्लैनाय क्राफ्टमेनफोरनो होनाय जागोन। बेनि अनगायै बिथाड हेफाजाब होनायखौ फोसावनानै मिबथि होयोदि, अर खामनाय जाथायाव जाय 24 क्राफ्टमेनफोरनि गलाया सिलिंखार जादों, बिसोरनो 1 जुलाइ 2025 निफ्राय 31

डिसेम्बर 2025 सिमनि गेजेराव दिल्ली हट आइएनएआव द' दाननि थाखाय बेसेन नाडै गलाफोरनि रन्नाय जागोन आरो बे एलटमेन्ट लटारिया नेम खाश्रिजों गेजेरजों जागोन।

हादरनाडै नो रेहायजों लोगोसे खैफोदखौबो लानानै फैदों मौसुमिआ

गोदान दिल्ली, 30 जुन: सोलिफु बोसोराव खोला-सोनाब मौसुमिआ हादरनाडैनो समनि सिगां नुजाथि फैदों। भारतीय बोथोर बिफान (आइएमडि) आ मिथि होदोंदि, मौसुमिआ गासै भारतआव 8 जुलाइनि सरासन्सा अक्टनि 9 सान सिगांनो सौहैदों। जेराव बेया आबादारिफोरनि थाखाय रेहायनि खौरां, गुबुन फासैं माखासे राइज्योफोराव गोबां अखा हानाया दै बाना आरो हा गिसिखानाय बायदि खैफोदखौ बांहोदों। सा फासैंनिफ्राय लानानै खोलासिम आरो हाजोनिफ्राय हायेनसिम अखानि बाना जानायखौ नुनो मोन्दों। हिमाचल प्रदेशआव मौसुमिनि जागायनायजों लोगोसेनो मिथिंगायारि अलखदिनि खौराड फैनो हमदों। कुल्लुआव 25 जुनखालि जोमै गावस्त्रानायनि जाथायनि उनाव फिन सलन जिल्लायाव गोबां अखा हानायनि जाहोनाव सिमला-कालका रेललाइनफोरखौ होबथानाय जादों। हा गिसिखानायनि जाहोनाव हादरयारि राजा लामाफोरावबो हान्था-मेलाया थाबथानानै दड। मन्डि जिल्लानि ब्यास दैमानि दैनि थाखोआ खैफोद थाखोसिम बांलांदों। लार्जि डेमनि फलसिनि जाहोनाव

कर्नाटकआव खुंथाय सोलायनायनि सायाव खरगेआ बिबुंथि होदों

गोदान दिल्ली, 30 जुन: कर्नाटकआव राजखान्थिआ गोखों महर लादों। राइज्योआव गिबि मन्थ्रि सोलायनो सावरायनाया सोलिगासिनो दड। कं ग्रेस आफादगिरि माल्लिकार्जुन खरगेआ रोखायै बुंदोंदि, गिबि मन्थ्रि सोलायनाय थांखिआ दोलोनि हाइकामाननि आखाइयाव दड। बिथाड रावबो जेबो जाहोन गैयालासे जेना सोमजिहोनो नाड होन्नानै सांग्रांथि होदों। गुबुन फासैं गिबि मन्थ्रि सिद्धरमैयाआ लेडाइ गिबि

मन्थ्रि डिके शिवकुमारजों लोगोसे दावराव-दावसि जानाय खौरांफोरखौ नेवसिगारनानै दाबि दैखांदोंदि, बिसोरनि सरकारआ 5 बोसोरसिमआव अन्थाय थाफाबादि गोखोडे थागोन।

मख'नो गोनांदि, सिद्धरमैया आरो डिके शिवकुमारआ सानैजों आखाइ हमज्जलायनानै खौरंगिरिफोरनि सिगाडव गावसोरनि खोसेथिखौ दिथिनानै खोसेयै हाबा मावलांगोन होन्ना बुडो।

पन्डह डेमनि गासैं मोनबा गेटफोरखौ खुलिना होनाय जायो। डेमआव 44,000 क्युसेक दैया मोनफ्रोम सेकेन्डआव फैगासिनो दड आरो बेसेबां बिबाडावनो हगारनायबो जादों। खुंथाया सुबुंफोरखौ दैमा-नालाफोरनिफ्राय जानगरआव थानो सांग्रांथि होदों। मानालिआव बोसोरनै सिगां फैनाय दै बानानि गिथावना गोसोखांथिया फि गोदानै जाखोंफैदों। दासिमआव अखा, हा गिसिखानाय आरो जोमै गावस्त्रानायजों बिमाचलआव 30 निखुइ बांसिन सुबुंफोरा जिउ गोमाबाय। बोथोर बिफानआ हिमाचलनि मोन 10 जिल्लाफोर-बिलासपुर,

चाम्बा, हमिरपुर, कांगड़ा, सिरमौर, सलन आरो उनाआव कुल्लु, मन्डि, सिमला, गोबां अखा आरो फ्लेश फ्लाड जागोननि सांग्रांथि होदों।

Affidavit

That, I am a permanent resident of above noted address and a bona-fide citizen of India by birth.
That, my actual and correct name spells as "NITU SHAH", which is recorded in my relevant papers and documents.
That, my husband's actual and correct name spells as "AJAY KUMAR SHAH", which is recorded in my relevant papers and documents.
That, my actual and correct Address name spells as "VILL.- NO. 1 BIJULIBARI, P.O. - CHANDRAPARA P.S - KOKRAJHAR AND PIN- 783370", which is recorded in my relevant papers and documents.
That, in my AADHAR CARD Vide No. 354639183909 issued by the UIAI, Wherein My name have been recorded as " NITU GOUR" instead of "NITU SHAH".
Wherein My husband's name have been recorded as "AJAY KUMAR SHAH" instead of "AJAY KUMAR SHAH"
Wherein My Address name have been recorded as "VILL.- TETLIGURI, PO-TETLIGURI & PIN-783347 instead of "VILL NO. 1 BIJULIBARI, P.O.- CHANDRAPARA P.S - KOKRAJHAR & PIN - 783370" "

That, this declaration is made by me to avoid the confusion regarding my name, my wife and my address as well as to submit it before the concerning authority for rectification / correction and doing needful purpose accordingly.
All the contents stated above from Para 1 to Para 6 are true to the best of my knowledge, belief and information.

Nitu Shah
W/O.- Ajoy Kumar Shah
Vill.- No. 1 Bijulibari
P.O.- Chandrapara
P.S. & Dist.- Kokrajhar BTR Assam.

Name Correction

That, my and my deceased husband's actual/correct name & surname is JAYMATI GAYARY, W/O. PARAMESWAR GAYARY which is recorded in my AADHAAR Card, vide No. 3857 0135 0660 and PAN Card, vide No. BJJPG0237R.
That, in the land document, land measuring 00B-02K-06Ls, covered by Dag No. 79 of Patta No. 125, which is situated at Vill.- Belguri under Kokrajhar Revenue Circle, Dist-Kokrajhar, BTR, Assam, wherein my name & surname has been recorded as JAYMI GAYRI instead of JAYMATI GAYARY as well as my deceased husband's name & surname has been recorded as PARAMESAR GAYRI instead of PARAMESWAR GAYARY.
That, I do hereby declare that JAYMATI GAYARY and JAYMI GAYRI is the same and one identical person i.e. myself as well as PARAMESWAR GAYARY and PARAMESAR GAYRI is the same and one identical person i.e. my deceased husband.

Jaymati Gayary
W/O.- Late Parameswar Gayary
Vill.- Belguri
P.O.- Rainadabri
P.S. & Dist.- Kokrajhar BTR Assam
PIN- 783370.

तिब्बतखौ लानानै चीननि जिंगाआ बांदों

तिब्बत, 30 जुन: तिब्बतनि धोरोम गुरु दालाइ लामाआ फैगौ सप्ताहआव गावनि 90 थि जोनोम सान फालिगोन। 6 जुलाईआव धोरोमशालानि मेकलडगन्जआव दालाइ लामानि जोनोम सानखौ गोबां गाजा-गोमजायै फालिनाय जागोन। बेशफासैं बै फोर्बोआव चीननि नोजोरआबो भारतनि सायाव गोग्लैगोन। सान्खि सोमजिनाय बादिब्ला, जोनोम साननि 90 थि बोसोरांरि सानआव दालाइ लामाआ गावनि इयुननि बिबानगिरिखौ फोसावनो हागौ। सुलुंनि बादिब्ला, सिटिएनि माखासे मन्थिआ दालाइ लामानि जोनोम सानआव इयुननि बिबानगिरि



फोसावनायनि सन्देह खालामदों। बे लिस्टआव सिटिएनि बिसायख थि गाहाइ पेनपा त्सेरि आरो लेडाइ बुंथिगिरि डलमा त्सेरिंनि मुडाबो दंफायो। सायख 'जानाय तिब्बती सरकारनि गाहाइ मावख 'आबो मेकलडगन्जआव दड। बेबादिआव दालाइ लामानि

जोनोम साननि हाबाफारिआ 2 जुलाईनिफ्रायनो जागायगोन, जाय 3 सानसिम सोलिगोन। बे समाव धर्मशालाआव तिब्बती बौद्ध दैदेनगिरिफोरखौ जमा जानाय नुनो मोनगोन। सरासन्खायै दालाइ लामानि जोनोम सानआ 6 जुलाईआव। नाथाय तिब्बती कैलेन्डारनि

बादिब्ला, दालाइ लामाआ गाबोन एबा 1 जुलाईआवनो 90 बेसोर आबुं जागोन। सुलुंनि बादिब्ला, दालाइ लामाआ गावनि बिजाब भइस फर भइसलेसआव चीनखौ बागदावखांहोदोंमोन। बिथाडा रोखायै लिरदोंमोनदि, बिथानि उननि बिबानगिरिआ चीननि बाइजोआव जोनोम लागोन आरो बे हादरआ भास्त जागोन। बिथाडा गावनि बिजाबआव लिरदोंदि, पुनरजन्मखौ थांखि बादियै सिगानि बिबानगिरिफोरनि हा। बा। फ। रि। फ। ेर। ख। ै। आवगायहोनांगोन। बेबादिआव गोदान दालाइ लामाआ मुक्त संसारआव जोनोम लानो हागौ।□

बिष्णुपुरआव 51 मिमि मर्टार बमखौ नायबिजिरदों



इम्फल, 30 जुन : मिरुयारि रैखाथि हान्जा आरो मणिपुर पुलिस, जेराव सासे बम सिनायथिग्रा आरो सिलिंखार खालामग्रा हान्जाया दंफायो, बिसोरो मणिपुरनि बिष्णुपुर जिल्लानि सिडाव थानाय मइरां पुलिस स्टेशननि गेजेरजों तेरखंशाबि माणिं लेतेलआव लागायनाय 51 मि.मि.

आइएलएलजि मर्टार बमखौ मोजाडै सिनायथियो आरो सिलिंखार खालामो। मोनसे मावख 'यारि रिपर्टनि बायदिब्ला, बै मौसुमि बोथोरनि समाव मोनसे माय आबाद थिलियाव खामानि मावबाय थानाय समाव बेरफ्रुयै बमखौ नुनानै खौरां हरनायाव जुथाइ हान्जाया रबिबार खालि फुंनि 7 रिंगायाव

जायगायाव सौहैंयो। बम बिजिरसंगिरिफोरा 51 मिमि. आइएलएलजि मर्टार बमखौ थरसे स्रां खालामग्रा बेरफ्रुग्रा महरै सिनायथियो, जायजों गुबुन गुबुन थांखिफोरनि थाखाय स्रां दिन्थिनो थाखाय डिजाइन खालामनाय जादों, जेराव हासा सान्थ्रनि दावहा, अखांमा फट'ग्राफि आरो

सान्थ्रिफोरनि ट्रैफिकआबो दंफायो। पुलिसआ मोनसे केसखौ थिसन्दों आरो मिबथि होयोदि, मणिपुरआव बावैसो हिंसानि समाव लुथिनाय बेरफ्रुग्रा बेसादफोर, जेराव गोबां रोखोमनि मर्टार आरो बमआ दंफायोमोन। राइजो सरकारआ 28,000 निखुइ बांसिन बिब्दिनो जोन्थोरफोरखौ जब्द ' खालामनाय एबा रिकभार खालामनायनि खौरां होदों। बे नि अनगायै सुलुंनि बायदिब्ला, इनखौ कुकिआ ओन्सोलनिफ्राय सोमजिनाय गग्लोबनायाव बाहायगासिनो दं। लुथिनाय आरो हिंसायाव बाहायनाय बेरफ्रुग्रा बेसादफोरनि मादाव 51 मिमि. आरो 2 इन्चिनि मर्टारआ दंफायोमोन, जाय 260 निखुइ बांसिन सुबुंफोरनि जिउ गोमानायाव बिहोमा होदों।□

जोनि बड'लेन्ड

जेराव बर'आ जोनोम मोनबाय जोनोमगिरि बिमानि अन्नाय गोथार गोसो खांनाय-बानाय गोहो साथ सुथुरजों देरहानाय, बेनो जौनि गोखों बड'लेन्ड।

हिमालय हाजोमानि आफाडव थानाय, सा-सानजा, सा-खोला सिरां, बागसा, उदालगुरी, कक्राझार अनज्लायना जायो बेवनो राइजो बेनो जौनि गोखों बड'लेन्ड।

रं-बेरंनि बड'लेन्ड बे बिबारबारि देरहासारगोन बे बर' हारि गियानि फुंखा बे हारि आलायआरण जिउनि आलारि बेनो जौनि गोखों बड'लेन्ड।

हिन्दु, खृष्टान, ब्रह्म खौसे बयबो फालियो गोबां फोरबो मागो, बैसागो, दमासि, संक्रान्ति, बर'दिन रंजाथाइ फोरबो बेनो जौनि गोखों बड'लेन्ड।

अनसुलि बिमा नों बड'लेन्ड जवा बेयाव सुबुंनि आन्थोर जानानै थागोन बे अराय गोजोर, बेनो जौनि गोखों बड'लेन्ड आंगोनि आंगो गोखोंथार बड'लेन्ड

मुश्री फैलाव मुसाहारि सिजौ सोलोंसालि (रे.) स्कुल बिजनी।

समा दा बेसेबां जाखो....?

ओइ़। आदा रामोन्दा नों मिथिगौना समा दा बेसेबां बाजिखो...?

माथो बोथोरा दिनै गात्रिथार सान्दुंबो नुजा हालिया बौरै मिथिबावनो समा दा बेसेबां बाजिखो....?

आफाया अफिसाव थांनो समखौनो मिथिना मोनाखिसै बुब्ब्लिनि गेलेनायाव समा दा बेसेबां बाजिखो...?

आइआ बुंदों.... दाथांसै दिनै मावख 'सिम नाथाय, आफाया गिदों दिनै थाडाब्ला मेनेजारा सास्पेन्ट खालामगोन अब्ला, समा दा बेसेबां बाजिखो.....?

श्री अनजाथाव बसुमतारी सिजौ सोलोंसालि (रे.) स्कुल बिजनी। '

जिउनि फैमाल

सोरबाया रोंग'थि लानानै सोरबाया रोडैखौ लानानै गोरान बरजों। सारा मुलुगनि निहोरा रांनैयावबो दुखु दाहानि बालाया रानखाव लांबाय। गोजौ जोमैनि हांखाय नायाव खाफालनि रिफिनाया बेनिफ्रायनो दिंग्रायनांबाय। सिमांबायदि जाबाय बे जिउआ गोरान बिलाय बायदि सिबर्थि जाबाय सोरनिबा खाफालाव देरहानायनि अखाफोर गावदां-दां सोरनिबा खाफालाव जेन्नाय आरो रोडैनि लैथो हाब्रां सोरांथौ-हरथौ गोदान नखोरांखौ नागिरनानै, गोदान जायख्लंनि सायायाव गोजोन सुदेम बारजों।

फनि महन इश्लारि जिल्ला:-कक्राझार; बि.टि.सि.

रंजालि गथ'फोरनि सौरा

आगोमा दख 'ना

आगोमा दख 'ना... हारिखौ सिनायथि होग्रा गोजा, गोसोम, गोमो, गोथां गाबनि महरखौ बर' माहारिनि सिनायथिखौ समायसार होनानै लाखिग्रा आगोमा नों दख 'ना। जथुम्मा आरो बायदि फोर्बोआव नौनिनो फैसालि खोबनायजों समायना महर लायो जौसाडा। आय' नों आगोमा दख 'ना, गोमा लांनो दानाजा नों हारिनिफ्राय लाबोनो नाडा गुबुननि गाननाय-जोमनाय। लाफागोन बैसोखौ समाय खांहोग्रा गोमो, गोथां, लायगां गाबआव फारौ मेगन, थाइगिर बिबार बायदि आगरजों समायसार महर लायो दख 'ना फैसालिया बिदिनो समायना महरजों मोदोमफ्रुयै मोदोमलाडो नों दख 'नानि गाबआ। जुलि थिलियाव नुनो मोनो दख 'ना थावसि गान्नाय हिन्जाव गोदान रुयदब लाडो नों आगोमा दख 'नाजोंनो हिन्जाव माहारिनि फेरलेबसे जिउआ। हाबाब। नोंखौ सिबिनो, नोंखौ फुजिनो आखाइयाव जेबो गैया जोंहा अब्लाबो गोमा लांनो दानाजा नों जौनि दावगा हांनाय बर' हारिनिफ्राय थाबाय था नों आगोमा दख 'नायैनो।

मिस त्रिपि बसुमतारी सिजौ सोलोंसालि (रे.) स्कुल बिजनी।

फै जों आवगायदिनि

फै जों आवगायदिनि गोथार जिउनि थानसालिआव मोनहैनो थाखाय बयबो खौसेनो थांदिनि आगान सुरदो बयबो सहैनो थाखाय गोथार थानसालियाव मालायनि लामाजों फै जों गोथार लामाजों बयबो आवगायलांदिनि गावनि थांनानै थानायनि लामाखौ नायगिरनानै दाथालांसै रावबो उन जाना आवगाय लांदो बयबो समायना मालाय हारिया गादब लांब्ला गावनि हारिया उन जालांब्ला लाजि नांनांगोन हांमा सुरनांगोन बेनिखायनो फै जों बयबो आवगाय लांदिनि फारि-फारि।

मिस जुगामि ब्रह्म सिजौ सोलोंसाल (रे.) स्कुल।

ग्लेमारगल

बे सिखलाया सोर आरो बबेयाव जोनोम सिरि-सिरि आंनि गोसोआ फागोला। रिजि-रिजि गुरै ददरै आखायाव बनि मिहिन्दि, हायद्रजों गाब गानाय खानाय बनि गुसुं बेलासि बायदि फारनै खावलाय, नारेंसु गन्थं। ग्लेमार, रमान्टिक सिख्ला आजोलि गाननाय बनि जिन्स, स्कर्ट, हाइटपेटि, सुरिदार ग्लेमार। बे सिख्लाखौ नै बाजियाव नुजेनबाय आं, थाम बाजियाव लोगो मोनज्लायबाय ब्रै बाजियाव एसे,एसे गोसो थोबाय। बा बाजियाव गोसो थोबाय मोथो,मोथो, मिथिंगायालाय मा खालामनो हानो? नों आंनि थाखायनो मिथिंगाखौ सोरजिखादों फै आंनि अनजाली ग्लेमार, मा बाश्रा नौनि मोजां मोन्नायनि? नोंखौ गोसो थोबाय आं अराय सम जिउ नौनि सायावसो जाबाय गनायनाय गनायैआ। समाय लाखानानै फेलें खालामा जासे जों अरायबो नागारा सानैजों जुदा जाया। नाथाइ.....! !' बाजियाव खोनासंनांबाय '0'।

रिन्दाव बसुमतारी

सोरजिगिरि

सिमांजों दाफुं जानाय जौनि बुहुम बे बुहुमाव फैनानै आं गावखौनो सोंथि सोडो सोर सोरजियामोन जोंखौ सोर दायामोन जौनि बुहुमखौ ।

जेराव दावमा-दावसा जिव-जुनारजों लोगोसे सुबुं माहारि थायो आरो दैमा-दैसा बोहोयो हाजो-हाला बिफां-लाइफां सिं सिं लैथो-लैथोमाखौ नागिरना।

दंबाउयो नामा जों फोरनि बाइदि आलादा बुहुम आलादा ग्रह' जौनि बुहुमा सान्खिना थानाइबादि दं नामा बै गुबुनारियाबो सान्खिना सानस मोनै गुवार अखांआव रोजा-रोजा लाख-लाख ग्रहनि गेजेराव थांसमोनै गोजानाव।

जानोहागो बैगुबुनारिया जौनिखुइ बेसेबा गुन सोलोगोरा नाइहरदों जोंखौ गोजाननिफ्राय सम-सम फैदों जानोहागो जौनि साखाथियाव गुबुन-गुबुन महर गाब लाना नुसना मोनै बुजि सना मोनै जायखौ जों फुजियो नुवाथारि सोरजिगिरि महरै।

तपन बर' केकहाटि, रडिया, कामरुप

लैथोनि रुगुंसिम

सिगांनाय आं बै लैथोनि रुगुंसिम, हागोनदा आं मोननो बै गोसोनि हाबिलाखौ लैथोनि फैलासेमखौ सौसि लांनानैब्लाबो नाजगोन आं मोननो बै लैथोनि रुगुंखौ। सेर फाखाय-फाखाय थैन आबिरजों गेलेनाय बायदि सारअन्थाय, अखा, बारहुंखाखौ नेवसिनानैब्लाबो आंनि जिउआ जोबनानै थांब्लाबो नाजागोन आं मोननो बै लैथोनि रुगुंखौ। थिवरिया हान्जानि हर्खाब बेरफ्रुहोनाय बमानि अरजों खामगिल होनानै हांगार जाहोनाया लांदां बिखाखौ दोहो-दोहो खामगिल होनानै, दाहा होलांनायनि थाखाय बिसोरनि फारसे खिथेल होखार फिननो नाजागोन आं मोननो बै लैथोनि रुगुंखौ।

श्री दैथुन बसुमतारी सिजौ सोलोंसालि (रे.) स्कुल बिजनी।

अबोला आं मा खालामनो!

नै बे गुवार संसारनि थि थिं गुदुं हाउ हाउ बालाबारियाव दै गांगोन आं थाबाइनो बायो। दै गुदुं हाउ हाउ बालाबारिखौ आं बारलांनो गियो। रावनिबो आगान आरो लामा गैयै बे बालाबारियाव आं बबेथिं थानो! बेवहाय फांसेबो बिफां गैया। बेवहाय बार मोदायबो बारो। जाउनाव हाद्रि बालाया बुखांजानानै मेगनाव हाबो आरो मेगननिफ्राय मोदै ग'थो। नाथाइ मेगननि मोदै, हाद्रि बालाखौ सोर हुगारनो आरो एरख'नो? गुबुनफारसे संसारनि थिं थिं सान्दुआ दैदेनलानानै बेलासे बुब्ब्लिया आंखौ बरायहरनो खावलायो; नौनि न'आव थानो। लाजिगुसु मोखां सोमखेयै अबोला आं मा खालामनो!

सबिन बिखारोजा मोसाहारी। गामि - देवानपारा। ला:सो: - बागरगाव। जिल्ला - चिरां बि.टि.सि.(आसाम)।

इराननि मौलबीआ ट्राम्प आरो नेतन्याहुनि बेरेखायै गोख्रोडे फतवा फोसावदों

गोदान दिल्ली, 30 जुन: इराननि बयनिखुइ देरसिन शिया धोरोमगुरु ग्रेन्ड अयातुल्लाह नासेर मकारेम शिराजीआ आमेरिकानि हादरगिरि डनाल्ड ट्राम्प आरो इजराइलनि गाहाइ मन्त्रि बेन्जामिन नेतन्याहुनि हेंथायै मोनसे गोख्रों फतवा फोसावो। बे फतवाआव सानै दैदेनगिरिफोरखौ खुदानि सुथुर होन्ना फोरमायनानै मुलुगनाडैनि मुसलमानफोरखौ खौसे जानानै बिसोरनो फिन्नाय होनो आर'ज गाबो। बे फतवाआ इराननि इस्लामी हुकुमतनि बेरेखायै हुमखि होनायफोरनि फिन्नायाव फैयो। जायफोरा बावैसो सिगां इजराइल आरो आमेरिकाजों लोगोसे 12 साननि दावहा नाडो। अयातुल्लाह मकारेमआ बुंदोंदि, जायफोर सुबुंफोरा जौनि धोरोमगुरुखौ हुमखि होयो, बिसोरखौ खुदानि बेरेखायै दावहा नांग्रा महरै गनायनानै लानाय जागोन। इरान आइननि गेजेरजों खुदानि हेंथा बाश्रा बुंग्राफोरखौ थैनायनि साजा, हादरनिफ्राय होखारनाय बायदि साजा होनो हागौ। फतवाआव बुंनाय जादोंदि, बे सुथुरफोरखौ बिसोरनि बिबुंधि आरो गोरोन्थिनि सायाव फस्थायहोनाया साफ्रोम मुसलमानफोरनि मावनां गौ बिबान। बे फतवाआ बै 12 साननि दावहानि उनाव फैदों, जाय 13 जुनआव जागायदोंमोन।



इजराइलआ इरानआव बम गावो, जेराव इराननि गिदिर सान्थियारि कामान्डार आरो गुन्द्रासा हाबाफारिजों लोब्बा गोनां बिगियानगिरिफोरनि जिउ गोमायो। बे नि

फिन्नायाव इरानआ इजराइलनि सहरफोरनि सायाव बेलिस्टिक मिसाइलफोरजों गागलोबो। बेयो मोनसे इस्लामी आइननि बिदिन्थि, जायखौ शिया

फोलेरनि बयनिखुइ देरसिन धोरोमगुरुआ फोसावनाय जायो। बेयो गिबि खेब नडा, जेब्ला इराननि धोरोमगुरुफोरा सोरबा सुबुंनि हेंथायै फतवा फोसावो।

रैखाथि हान्जाफोरा इम्फलआव सा 3 उतरारिफोरखौ बेंखनाव लादों

इम्फल, 30 जुन: रैखाथि हान्जाफोरा समबारआव बुडोदि, बिसोरो मनिपुरनि सान्जा इम्फल आरो सोनाब इम्फल जिल्लाफोराव थानाय 24 घन्टनि गेजेराव आलादा-आलादा जायगाफोराव सिग्रोमनाय हाबाफारियाव भेल्ले हान्जानि साथाम इन्सारजेन्टखौ ग्रेप्टार खालामदों। पुलिसनि बायदिब्ला, रैखाथि हान्जाफोरा से सुबुंफोरआ जर-जलुमे रां



लानायनि हाबाफारियाव लोब्बा भेस्पा साखा खबनै गारि जेराव रैजिस्ट्रसन अन्जिमा नम्बर एमएन 01/एइ-1745 दड, 800 रॉनि मोनसे वालेट आरो माखासे

सिमला नेसनेल हाइवेआव लेन्डस्लाइड जादों

नाहन, 30 जुन: सिरमौर जिल्ला मावख' नाहननिफ्राय हादरनि राजथावनि सिमलाखौ सरजाबग्रा नाहन कुमारहट्टि शिमला नेसनेल हाइवे 907 एबा फुंनि 4.00 रिंगानिफ्राय 8 रिंगासिम बन्द थादों। बेनि गेजेराव लामानि फारनैथिंजाय गिदिर गारिफोरनि गोलाव जाम जादों। अदेबानि फिसा गारि सालायगिरिफोरा होंगो-दोंगोआव रिस्क लानानै गावसिनि गारिखौ दिहुन्दों। हाजोनिक्राय गिदिर-गिदिर अन्थाय गोपलैनार्यनि जाहोनाव गोजान लामा दावबायग्रा बासफोर एबा ट्रकफोरा लामा गोथेना थानांदों। नेनटिककरनि समिय सादनाघाटआव 4 घन्टासिम गिदिर गारिफोरा रहा



सन्देह खालामथाव फोरमानलाइफोर जब्द खालामदों। गिबि नायबजिरनायाव मिरुआरि आरो राइजो हान्जानि मोनसे जुथाय हान्जाया सोनाब इम्फल जिल्लानि लामसं पुलिस थानानि गेजेरजों लमदेंआवां लेइकाइआव होबथाजानाय पुलिस लिबारेसन आमिनि सासे के डारखौ बेंखनाव लायो। हान्जाया उनाव बिखौ युन्माम प्रेमकुमार सिं, जायखौ न्थां (31) मुडै बो मिबथियो, जायखौ बै जायगानि सुबुं होन्ना सिनायथियो। नैथि नायबजिरनाय सामव जुथाय हान्जाया लमलाइ पुलिस स्टेसननि गेजेरजों नंपक सन्जेनबाम खुल्लेनआव होबथा जानाय कांग्लेपक कम्युनिस्ट पार्टिनि सासे केडारखौ ग्रेप्टार खालामदों। बिसोरो बिखौ मनहरमयुम कबिन्द्र शर्मा मुडै सिनायथिदों, जायखौ रज' (28) मुंजोंबो मिथिनाय जायो, जाय सासे सोनाब इम्फल जिल्लानि सिडाव थानाय लम्लाइ मयाइ लेकाइनि। थामथि अपारेसनआव रैखाथि हान्जाफोरा सोनाब इम्फलनि सिंजामेइ पुलिस स्टेसननि गेजेरजों हेइरंगिथंआव फिस आकेंड शुनि खाथिआव काबाम राजु सिं, जायखौ पुले (42) मुंजोंबो मिथिनाय जायो। बिखौ बेंखनाव लायो।

गोथेनानै थादों। बबेखानि नाहननिफ्राय कुमारहट्टिसिम जायगा जायगा हाजोनिक्राय फिसा-गिदिर अन्थायफोरा गोबां बिबाडव माखासे जायगाफोरव गोपलैदों। जायनि जाहोनाव गारि सालायगिरिफोरा गारि सालायनायाव जेंनाजों मोगा-मोगि जानांदों। बेराफासं सिरमौर जिल्लानि गात्रि लामा एबा सोमोन्दो थानाय लामाफोरा

जोबोद रिमोनद्ला जादों, जायनि जाहोनाव माखासे बासफोर एबा फिसा गारिफोरबो रहा गोथेना थानांदों। जेब्ला बे समाव नेसनेल हाइवे नाहन मन्डलनि जुनियर इन्जिनियार एसएस पुन्डिजों सोमोन्दो लायो अब्ला बिथाडा मिथिहोयोदि, लामा बन्द जानायनि खौरांखौ 7 रिंगासोआव मोन्दों। मेसिनखौ थि समाव

दैथायहरनानै 8 रिंगासोआव गारिफोरनि थालाय-फैलायनि थाखाय लामाखौ फुवारना होनाय जादोंमोन। गिदिर अन्थायफोरखौ बोखारनायनि हाबाफारिआबो सोलिगासिनो दड, हान्था-मेला खालामनाया जागायफिनबाय, दा गासै लामानिक्राय अन्थायफोरखौ बोखारनाय जासिगोन।

20 लाखआव हा फान्नानै सानै बिदा- फंबायफोरा नंखाय पनीरनि फेक्टरि जागायदों

नएडा, 30 जुन: आलिगइनि साहजपुरनि थागिबि सानै बिदा-फंबायफोर गुडडु एबा हरिश आरो अफसरआ नंखाय पनीर फान्नानै सानफ्रोमबो गंसे गारिआव 2 लाखनिखुइ बांसिन मुलाम्फा खालामगासिनो थादोंमोन। बिसोर बयनिबो मेगन खाथेनानै गात्रि आखु बाहायना बे थांखिखौ लादों। बिसोर बे बाश्राखौबो सानाखैदि, पेन्टिनि गाव, केमिकेल, रिफाइनजों बानायनाय नंखाय पनीर जानानै सोरनिबा जिउखौबो जानो हागौ। पुलिसजों हमजासेयावबो फेक्टरि सालायग्रा गुडडुआ आफसस जायाखैमोनदि, बियो गुबुननि देहा आरो जिउजों गेलेगासिनो दड। बिसोरनि जिंगाया बेल'मोनदि, बिसोर 6 दान सिगां हा फान्नानै बे फालांगिखौ जागायदों। बिसोर फालांगि खालामनो हास्थायनानै हा आरो मान-सनमानखौनो फानबाय। गुडडु आरो बनि फंबायआ थानाय बोसोरसिम पनीर साप्लाइ खालामनाय खामानि मावदोंमोन। बिसोर गुबुननि पनीरनि खामानि मावनानै दसे सानफोरनि

गेजेरावनो कौटि रंनि बिगोमा जानायखौ नुनानै गावसोरबो धोनि जानायनि सिमां रन्साइदोंमोन। नाथाय आवगायनायनि जेबो लामा मोन्नो हायाखैमोन। बेनि गेजेरजों थानाय बोसोराव मोनसे फालांगिनिफ्राय नंखाय पनीर बानायनायनि आइडिया मोनो। बेनि उनाव बिसोर बिदा-फंबाय सानैजों गावसोरनि बिमा-बिफानि गामियाव थानाय हाखौ 20 लाख राडव फानो आरो फान्नाय हानि मोनसे बाहागोआव पनीर बानायग्रा फेक्टरि जागायो। सिगाडाव नंगुबै पनीरजों लोगोसे माखासे नंखाय पनीर बानायनो आरो सनो जागायो। नंखाय पनीरआव गासै 4 गुनसिम मुलाम्फा फैयो आरो नंगुबै पनीरआव एसेल'



मुलाम्फा जायो। बेनि उनाव बिसोर थानाय 6 दाननिक्रायनो नंखाय पनीरल' बानायबाय थायो। नाथाय थानाय शनिबारखालि बिसोरनि गोसोम फालांगिआ सोराडव फैयो। बेनि उनाव फेक्टरिआ सील जायो आरो गुडडुआ जेलाव सौहैयो। आथिखालाव बिनि फंबाय अफसरआ पुलिसनिफ्राय खारखोमानानै दड। डा: अरुन कुमारआ फोरमायोदि, नंखाय पनीरखौ सिन्थेटिक एबा केमिकेलजों बानायनाय जायो। बेखौ जायोब्ला हार्ट एटेक, किडनी आरो लिभार डेमेजनि अलखदआ बांसिन जायो। जायखि-जाया पनीर बानायनायाव रिफाइन एबा थाव बाहायनाया देहानि थाखाय जोबोद खहा गोनां।

तेलेंगानानि केमिकेल फेक्टरिआव गिखंथाव बेरफ्रुनायजों सा 8 सुबुंफोरनि जिउ गोमादों, सा 26 जोखोम

तेलेंगानानि केमिकेल फेक्टरिआव गिखंथाव बेरफ्रुनायजों सा 8 सुबुंफोरनि जिउ गोमादों, सा 26 जोखोम



गोदान दिल्ली, 30 जुन: तेलेंगानानि संगारेड्डिआव थानाय गंसे फार्मा कम्पानीआव गिखंथावै बेरफ्रुनाय जाथाय सोमजिदों। फार्मा कम्पानीआव नांनाय अरआ एरैबादि गिख्र थावमोनदि, माखासे सुबुंफोरा बेनि अलखदआव गोपलैयो। बे जात्रथायाव सा 8 सुबुंफोरनि जिउ गोमायो आरो सा 26 सुबुंफोर जोखोम जायो।

तेलेंगाना फायार बिबानगिरिफोरनि बादिब्ला, बे बेरफ्रुनायाव मेडमनि पसामैलाराम फेज 1 आव थानाय सिगाचि फार्मा कम्पानीआव जायो। बे केमिकेल कम्पानीआव हरखाबै रिएक्टर बेरफ्रुनाय जाथाय सोमजिदों। बे जाथायनि खौरां मोन्नाय लोगो लोगो फायार बिफाननि गारिफोरा

जाथायथिलिआव सौहैयो। बे अरखौ सामलायनो नाजानाया सोलिगासिनो दड। हाइद्राबादनिक्राय माखासे जाथायाव थानाय बे केमिकेल फेक्टरिआव दिनै फुंनि 9.00 रिंगानि खाथियाव गोख्रोडै बेरफ्रुयो। बेरफ्रुनायनि उनाव गासै फेक्टरिआव गिखंथाव अरनाडो। फेक्टरिनिफ्राय ओखारनाय उखुन्दैखौ गोजाननिक्राय नुनो

मोनो। बेजों ओन्सोलनि सुबुंफोरनि गेजेराव गिखानाय सोमजियो। अर नांनायनि खौरां मोन्नाय लोगो लोगो फायार बिफाननि गं 11 गारिफोरा जायगायाव सौहैयो। पुलिसआ थाबैनो एम्बुलेन्स लिंहरो आरो जोखोम जानायफोरखौ देहा फाहामसालिआव दैथायहरो। जायगानि सुबुंफोरनि बादिब्ला, जात्रथायनि समाव माखासे मावसुमाफोरा खामानि मावगासिनो दडमोन। बे फेक्टरिआव उत्तर प्रदेश आरो उरिष्याजों लोगोसे माखासे राइज्योफोरनि मावसुमाफोरा दंफायोमोन। अर नांनायनि उनाव बांसिन मावसुमाफोरखौ बाइजोआव दिहुन्नायाव जाफुंसारनो हायो। बे समाव माखासे सुबुंफोरा अरजों गात्रियै खामथावबायमोन।

No.DT/G-620/FCI/2025-26/155

Dated Kokrajhar, the 30th June, 2025

SPONSORED DIPLOMA COURSE IN HOSPITALITY INDUSTRY

Applications are hereby invited for the Session 2025-26; from intendingunemployed youths of economically weaker section of Bodoland Territorial Region to avail 1 year & 6 months (1 & ½) residential Diploma courses in Hospitality industry,under”**HOSPITALITY INDUSTRY EduP. – Building Skilled Manpower**”.

Fully sponsored by:
TOURISM DEPARTMENT, GOVT. OF BTC.
at **Food Craft Institute, Samaguri, Nagaon, Assam;**
affiliated to the *National Council for Hotel Management & Catering Technology, New Delhi,*
under the Ministry of Tourism, Govt. of India.
TOTAL INTAKE: 20 Students
(Food Production: 2, Food & Beverage Service: 9, Bakery & Confectionery: 2, Housekeeping: 5 and Front Office: 2 nos).
The application form and terms and conditions can be downloaded from**www.bodolandtourism.co.in/**
www.foodcraftinstituteassam.inand submitted in person or by registered post to **The Director cum CHD, Tourism Department, W/No-5, Depot Road, BTC, Kokrajhar. 783370** and also via e-mail at **reception.tourismbtc@gmail.com**

IMPORTANT DATES:
Last date of receipt of application : 21stJuly 2025 (Monday)
Document Scrutiny &personal interview : 25thJuly 2025 (Friday)
Declaration of selected candidates : 29th July 2025 (Tuesday)
Class commences from : 4th August 2025 (Monday)
Original document scrutiny and personalinterview will be held at the Director cum CHDOffice, Tourism Department, Kokrajhar, BTC.
For any further assistance, please contact: +91 7002 541231 / +91 9954 013040

Sd/-
Director cum CHD
Tourism Department, BTC, Kokrajhar

IPR(BTC)/C/2025-26/1299

No.CWRD/T-III/NIT/672

Dated Kajalgaon the 27th June/2025

SHORT TENDER NOTICE

Sealed tender in prescribed form to be eventually drawn in H/F-2 form affixing non-refundable CFS of Rs.8.25 (Rupees eight and paise twenty five) only for different group are hereby invited for the following works for the current year 2025-26 from the registered contractors under W.R. Department with requisite earnest money in form of DD/Fixed deposit certificate Bank Guarantee from any Indian (Nationalized bank) duly pledge to the undersigned. The tender paper will be received by the undersigned up to 2.00 P.M. of 06-07-2025 and will be opened on same date, place and hours.
Detailed N.I.T. specification and terms & conditions for the work may be seen in the office of the undersigned during office hours on all working day.
The tender papers are to be obtained from the office of the undersigned on payment of Rs.500.00 (Rupees five hundred) only (Non-refundable) in form of Banker Cheque/D.D. of S.B.I. in favour of the undersigned. Payment of works will be made on availability of fund on appropriate head only and no claims of interest will be entertained for delay of payment.

Sl. No.	Name of scheme	Approx. value of work	Earnest Money
1	Pro-Siltation measures under Chirang W.R. Division, Kajalgaon for 2025-26. (Ph-I)	Rs. 19,99,000.00	2% for Genl. & 1% for ST/SC/OBC etc.
2	Pro-Siltation measures under Chirang W.R. Division, Kajalgaon for 2025-26. (Ph-II)	Rs. 19,97,000.00	
3	Pro-Siltation measures under Chirang W.R. Division, Kajalgaon for 2025-26. (Ph-III)	Rs. 19,95,000.00	
4	Pro-Siltation measures under Chirang W.R. Division, Kajalgaon for 2025-26. (Ph-IV)	Rs. 19,98,000.00	

Sd/- Executive Engineer
Chirang W.R. Division, Kajalgaon

IPR(BTC)/C/2025-26/1278

No.CWRD/T-III/NIT/671

Dated Kajalgaon the 27th June/2025

SHORT TENDER NOTICE

Sealed tender in prescribed form to be eventually drawn in H/F-2 form affixing non-refundable CFS of Rs.8.25 (Rupees eight and paise twenty five) only for different group are hereby invited for the following works for the current year 2025-26 from the registered contractors under W.R. Department with requisite earnest money in form of DD/Fixed deposit certificate Bank Guarantee from any Indian (Nationalized bank) duly pledge to the undersigned. The tender paper will be received by the undersigned up to 2.00 P.M. of 06-07-2025 and will be opened on same date, place and hours.
Detailed N.I.T. specification and terms & conditions for the work may be seen in the office of the undersigned during office hours on all working day.
The tender papers are to be obtained from the office of the undersigned on payment of Rs.500.00 (Rupees five hundred) only (Non-refundable) in form of Banker Cheque/D.D. of S.B.I. in favour of the undersigned. Payment of works will be made on availability of fund on appropriate head only and no claims of interest will be entertained for delay of payment.

Sl. No.	Name of scheme	Approx. value of work	Earnest Money
1	Procurement of flood fighting materials for protection of Madarpur from the erosion of river Aie on L/B for the year 2025-26.	Rs. 16,55,000.00	2% for Genl. & 1% for ST/SC/OBC etc.
2	Procurement of flood fighting materials for protection of Bijni area at different reaches from the erosion of river Dulani for the year 2025-26.	Rs. 15,00,000.00	
3	Procurement of flood fighting materials for protection of Dabligaon from the erosion of river Kujia for the year 2025-26.	Rs. 15,35,000.00	
4	Procurement of flood fighting materials for protection of No.2 Dongagaon from the erosion of river Pakajani for the year 2025-26.	Rs. 13,00,000.00	

Sd/-
Executive Engineer
Chirang W.R. Division, Kajalgaon

IPR(BTC)/C/2025-26/1276

मुसलपुरआव खुंजानो गोनां जिल्ला थाखोनि बड'लेण्ड चिइएम-काप १.० नि थामथिम जथुम

मुसलपुर, ३० जुन : बाक्सा जिल्ला सदर मुसलपुरनि हारिमु न'ब्लांआव बड'लेण्ड चिइएम – काप १.० नि जानो गोनां जिल्ला थाखोनि बादायलायनायनि थाखाय दिनें मोनसे थाक-थियारि जथुम खुंफुंनाय जायो। बे मेलाव बड'लेण्ड हायुङ्गरि गौथुम आयेन आफादनि बुंथिगिरि कातिराम बर’आ बाहागो लादोंमोन। बेजों लोगोसे बे जथुम्मायाव बारग’ एमएलए



हितेश बसुमतारि, एमचिएलए मन्तु बर’ आरो दशरथ ब्रह्म, बाक्सा जिल्ला गेलेमु मावख'गिरि, बाक्सांनि बि.डि.अ’, फिजिके ल इन्सट्राक्टर, गुबुन-गुबुन बियाबनि टि.एल.चि.चि.

सोद्रोमाफोर आरो मुसलपुर आरो सालबारि गेलेमु आफाद आरो सालबारि जिल्ला गेलेमु आफादनि थान्दैफोर। बे मेलाव बिथांमोना गेलेमु, हारिमुआरि हाबाफारि, थाग्रा खुलि, हान्था-मेलानि आरो गुबुन लजिस्टिक

(📷 १ बिलाइनिफ्राय)

गिबि मन्थिआ एनआरएल फोजौखांनाय बिथांखि मावफुंंगासिनो थानायखौ खौरां लाहैदों

जिल्ला खुंथाइजों लोगोसे एनआरएलनि मावख'गिरिफोरजों गुवारै सावरायलायदों। मख'नाय जायोदि, गावनि एनआरएल दावबायहैनायनि बाहागो महैरै गिबि मन्थि ७ शर्माआ एनआरएलनि गोजौ थाखोनि मावख'गिरिफोर, मन्थिफोर, एमपि आरो एमएलएफोरखौ लानानै सोलिबाय थानाय इतानल प्लान्टनि सायाव मोनसे नायसं मेल जथुमो आरो बिथांखि मावफुंबाय थानायनि सोमोन्दै रोखा खौरां लायो। मख'बावनाय जायोदि, नुमालिगर रिपाइनारिआव लुफुंबाय थानाय भारतनि गिबिसिन् औवाजों बानायनाय बाय’ रिपाइनारिखौ हादतनि गाहाइ मन्थि नरेन्द्र मदिआ फैगौ ८ सेप्टेम्बरखालि आसाम दावबायफैनाय समआव बेखेवनानै होफैगोन आरो बे बिथांखिखौ हादतनि मुडै गथायनानै होगोन। जाय बिथांखिखौ ४ रोजा कौटि रां बाहायनानै लुफुंंगासिनो दङ। दिनै एनआरएल दावबायहैनायनि गुबुन मोनसे बाहागो महैरै गिबि मन्थि ७ शर्माआ रिपाइनारि स्टफफोरनि थाखाय गोदानै लुफुंनाय धनस्त्रि नगर टउनचिफरखौबो बेखेवनानै होयो। हाबाफारियाव गिबि मन्त्रिजों लोगोसे मन्थि अतुल बरा, अजन्ता नेउग, जयन्त मल्ल बरुवा, रुपेस गवाला, एमपि कामाख्या प्रसाद तासा, एमएलएफोर भवेन्द्र नाथ बरालि, मृनाल सईकिया, बिस्वजित पुकन आरो आसाम सरकारनि माखासे गोजौ थाखोनि मावख'गिरिफोरबो बाहागो लाफायो। मख'नाय जायोदि, बावैसो सिगां बकाकाटनि सार्किट हाउसआव ग्रेनेडजों गार्लोबनाय जाथायाव जखम जानाय पुलिस सान्थि्रखौबो गिबि मन्थिआ लोगो हम्हैदों। जखम जानाय पुलिस सान्थिफोर फारियै- सिद्दार्त बरबर, सुसिल बौमिक आरो मिन्तु हाज 'रिकामोननि देहानि थासारिखौ खौरां लानानै बिसोरो जाहाथे थाबैनो मोजां देहायाव फैफिन्नो हायो बेनि थाखाय मोजां फाहामथाइ होनो आरो जोथोन लानो देहा फाहामगिरिफोरखौ खावलायो।📷

भेरगावआव लामा फावथिनानि गेजेरजों रैखाथियारि सांग्रांथि होदों

पयेस्वर बर’आ बराय बिबुंथि लाखियो। मेलआव भेरगावनि महखुमा बेंगिरि रिखां मुसाहारिआ गाहाइ आलासिनि बिबुंथियाव लामा रैखाथिनि मेलआव फैबाय थानाय समाव हेलमेट गानालासेनो सानै गाखोनानै फैनाय गंसे मथर साइकेलआ गुबुै लामानि खेंखा लामायाव गावनि गारियाव सौगरावफैदों होन्ना मख'नानै मथर साइकेल सालायनायाव माखासे सुबुंफोरा नांगौ जानाय सांग्रांथियारिखौ उनसङै आरो गुबुन हाबाफारियाव गफबनानै थानायनि जाहोनावनो बेबायदि मिर्जिंथिथावै जाब्रबथाइजों मोगा मोगि जायो होन्ना फोरमायदों। बिथाङ गारि सालायनायनि फोरमानलाइजों लोगोसे गारि मथरनि गोनांथार लेखाफोरखौ बुथुमनो फरायसालिमानि फरायसाफोरखौ खावलायो। भेरगाव महखुमा पुलिस बिबानगिरि दुर्गा किंखर शर्माआ सोरबा सासे सुबुङा जाब्रबथाइआव गोरलैयोब्ला बेजों लोगोसे नख'रबो सिमा गैयै दुखु दाहायाव गोरलैनाङे होन्ना गारि सालायनायनिफ्राय बयखैबो सांग्रां जानो खावलायो। फारसेथि उदालगुरि जिल्लानि हान्था मेलानि नायसंगिरि मनजित दासआ गारि मथर आयेननि सोमोन्दै गोबां बाश्रा फोरमायनायजों लोगोसेनो लामा रैखाथिनि थाखाय मानिनानै सोलिनांगौ नेमखान्थिफोरखौबो फोरमायनानै होयो। मेलआव आर'नाइ कालचारनि ससाइटिआ लामा रैखाथिनि सायाव रन्साइ जानाय मोनसे नोजोर होथावना लामानि फावथिना दिन्थिफुङे। फावगिरि मृदुल नाथ, अमरेन्द्र बरुवा, अपरुषा बरुवा आरो सिमान्त सईकियाआ दिन्थिफुंनाय मुजिथाव दिन्थिफुंनाया बयनिबो गोसोखौ बोनो हादों। आर'नाय कालचारेल ससाइटिनि अमृत राभाजों लोगोसे भेरगाव फरायसालिमानि फोरेंगिरि आरो २०० निफ्रायबो बांसिन फरायसाफोरा बाहागो लायो। लामा रैखाथिनि सोमोन्दै फरायसाफोरनि गेजेराव बान्जायनाय हरखाब सोंगाब सोंनाय बादायलायनायाव गिबिसिन् मासि आवग्रिनो हानाय मृनाल राभा आरो पुर्निमा बर’आ गंफा गंफायै हेलमेट बान्था मोननो हायो। मख'नो गोनांदि, उदालगुरि जिल्ला फोरमायथाइ आरो सुबुं फोनांजाब बिफानआ अरांनि बिष्णु प्रसाद राभा डिग्रि फरायसालिमा आरो उदालगुरि फरायसालिमायाव लामा रैखाथिनि सोमोन्दै मख'जाथाव हाबाफारिफोर मावफुंलानायजों लोगोसेनो जिल्लानि गुबुन गुबुन ओन्सोलफोराव हरदिं गाइसन्नाय, लामानि फावथिना दिन्थिफुंनाय आरो समाजआरि बिजोङव भिडिअ रिल्स दिन्थिफुंनानै लामा रैखाथिनि सोमोन्दै सांग्रांथि होनो नाजायो।📷

बिटिआर गोरोबथानि ६.३ दफानि सिङव सोलोंथाइ फसंथानखौ गनायथि होनायनि दाबि

जानो गेजेराव माखासेल’ सान दँसै। बे बिथिङव २०२० माइथायनि २७ जानुवारियाव सागान खालामजानाय बिटिआर गोरोबथानि ६.३ दफाया दिनैसिमबो मावफुं जायाखै। जायनि थाखाय बिटिआरनि मोन ५ जिल्लानि गनायथि मोनै गुदि आरो गेजेरआरि फरायसालिफोरखौ थाबैनो गनायथि होनो दाबि दिखानानै दुलाराय बिटिआर गनायथि मोनै गुदि आरो गेजेरआरि फरायसालिफोरखौ थाबैनो गनायथि होनो दाबि दिखानानै दुलाराय बिटिआर गनायथि मोनै गुदि फोरेंगिरि गौथुमआ दिनै मोनसे सोमावसारनाय हाबाफारि सामलायो। कक्राझार सहरनि बिखायावनो थानाय सरकारि गोजौसिन् गेजेरआरि फरायसालिनि गेवलां गेलेग्रा फोथाराव दुलाराय बिटिआर गनायथि मोनै गुदि फोरेंगिरि गौथुमनि सोद्रोमाफोरा आखाय आखाय प्लेकार्ड, बेनार लानानै बिटिआरनि भेनसार फरायसालिफोराव दान बान्था गैयालासेनो आजिरा मोन्नाय फोरेंगिरि, गाहाइ फोरेंगिरिफोरनो एक्कालिन हेफाजाबआरि अन्सुंथाइ, गनायथि मोनै फरायसालिफोरनि दुखुथिया फरायसा-फरायसुलिफोरनो बेसेन नाडैबिजाब, ड्रेस, सान्जौफुनि जाग्रा आदार आरो फरायसालियाव देक्स, ब्रेन्स गथायनाय बायदि गुबुन गुबुन ५ दफायारि दाबि खालामनानै कक्राझाराव सोमावसारदों। बे हाबाफारियाव बाहागो लानो हानाय फोरेंगिरि गौथुमआ इउपिपिएल सरकार मुर्दाबाद, बिजेपि सरकार मुर्दाबाद, प्रमद बर’ थगायसुला, प्रमद बर'नि सरकारआ खामानि गैया, प्रमद बर’ हाथाव बिटिसि बासाव बायदि स्ल'गान होनानै गोमखांहोयो। बे हाबाफारिखौ दैदेनबोनाय गौथुमनि आफादगिरि उमेस चन्द्र मण्डलआ खौरां बिजोंनि सिगाङव इउपिपिएल दैदेन्नाय प्रमद बर’ सरकारआ बिटिआर गोरोबथानि ६.३ दफाखौ मावफुंनानै दान बान्था गैयालासेनो मावनांनाय गासै ४२८ फरायसालिफोरखौ गनायथि होनो दाबि दिखाङे। मखनो गोनांदि, आफादगिरिया खौरां बिजोंनि सिगाङव बिटिसिनि गाहाइ मावफुं सोद्रोमा प्रमद बर’आ ५ बोसोर सिगां बिसोरनो थिसनलाइ गथाइनो थाखाय दाबि दिखाङे, नङब्ला गौथुमआ बिटिसिनिफ्राय प्रमद बर'खौ मान होनानै बिदाय खालामनाय जागोन होन्ना हुमखि होयो। दुलाराय बिटिआर गनायथि जायै गुदि फोरेंगिरि गौथुमआ दिनै सोमावसारनायनि जोबथारनायाव सहरनि गेजेरावनो मोनसे लामा हान्थिनाय हाबाफारि बान्जायनानै गोसोखांलाइ गथायनानै बिटिसिनि सोलोंथाइ बिफाननि गेजेरजों राइज्यो बेंगिरि, गिबि मन्थि, सोलोंथाइ मन्थिनिसिम दैथायहरो।📷

बिथिफोरखौ लाफाना चिइएम काप १.० खुंनायनि नेम-खान्थि आरो नेमखान्थिफोरनि सायाव गुवारै सावरायनाय जायो। जथुमनि समाव थिरांथा लानाय जादोंमोनदि, बे जिल्ला थाखोनि जोलुर बादायलायनाया ४ जुलाइ आरो ५ जुलाइआव सालबारि स्टेडियामआव खुंजागोन। बे

बादायलायनायाव जिल्लानि गासै मोनद’ हान्जाफोरा बाहागो लागोन। बे गेलेनाय बादायलायनायाव देरहागिरिया नोगोद २५,००० रोजा रां आरो रानार–आप हान्जाया नोगोद १५,००० रोजा रां आरो ५००० रांखौ साबसिन् गेलेगिरिनो गथायनाय जागोन।📷

(📷 १ बिलाइनिफ्राय)

बिटिसि सरकारनि बान्जायनायाव जौगा सोलोंथाइ आरो बिजाब बाख्रिनि सांग्रांथियारि मेल खुंफुंदों

गेजेरआरि फरायसालिनि गाहाइ फोरेंगिरि भुमिधर सरगयारीनि सामलायनायाव खुंफुंजानाय सांग्रांथियारि हाबाफारियाव गाहाइ बिबुंथिगिरि महैरै बिटिसि सरकारनि हारोंथाइ जौगाखां बिफाननि बोसोनगिरि रन्जन के बरुवाआ। रन्जन के बरुवाआ गावनि बिबुंथियाव फरायसाफोरखौ बिजाब फरायनायनि हुखा खालामनायजों लोगोसे फरायसाफोरा आयदा सायख'नायनि सायाव गुवारै फोरमायथिनानै होयो। बिटिसि सरकारनि बिजाब बाख्रि बिफाननि बान्जायनायाव बिटिसिनि बेंखनआव थानाय फरायसालिफोराव बेबायदिनो सांग्रांथियारि मेल खुंफुंनानै फरायसाफोरनि गेजेराव बिजाब फरायनायजों लोगोसेनो जौगाखां गुदि सोलोंथाइ लानायनि बिथिङव थुलुगाखां होनायनि हाबाफारिया सोलिगासिनो दं होन्ना फोरमायो। सांग्रांथियारि मेलआव सालबारि टिएलचिचिनि मासिगिरि बिनद मुसाहारिआ गुबुन गुबुन आयदानि सोमोन्दै बिबुंथि लाखिदों। बिजनी सैनियर सेकेण्डरि फरयसालिनि आयदा फोरेंगिरि सज्यजित बर’आबो जर'खा आलासि महैरै बाहागो लायो।📷

टिएमसिआ बिजेपि बिजाथि थानाय मोनफ्रोमबो बियाबआवनो बिसायख'थि गेलेगोन : दिपेन रामसियारि

ओंखारदों। बेबायदिनो ममता बेनार्जीनि त्रीनामुल कंग्रेस(टिएमसि)आबो उनफिन्नानै थायाखै। बिजेपिखौ गोख्रों फिन्नाय होनो थाखाय त्रीनामुल कंग्रेसआबो बिटिआर बिसायख'थियाव ओंखारबोदों। बिटिआरनि गुबुन गुबुन ओन्सोलफोराव फसंथानआरि बिथाखौ गोहो गोर खालामनानै दोलोनि दैदेनगिरिफोरा दावहा थिलियाव ओंखारदों। बिटिआरनि मोनफ्रोमबो बियाबआवनो आफाद दाफुंनानै फसंथानआरि बिथाखौ गोख्रों खालामदों। मैया मानास माहारियारि पार्कनि बासबारि हाग्रा ओन्सोलनि मयुरि रिजतंआव बाक्सा जिल्ला टिएमसिनि आफादगिरि दिपेन रामसियारिनि मासि सामलायनायाव खुंफुंनाय मोनसे फसंथानआरि मेलआव दावहानि सोलो साखा फारा खालामनायजों लोगोसेनो मावसुमाफोरखौ आसाम प्रदेश त्रीनामुल कंग्रेसनि गाहाइ नेहातारि सिसिर देव कलिता, सनजिब महन्त आरो बाक्सा जिल्ला आफादगिरि दिपेन रामसियारिआ बोसोन होनायखौ नुनो मोनो। मेलआव बाहागो लानानै राइज्योआरि नेहाथारिया बिजेपि दोलोआ जाय बिजाबआव बिजाथि फसंगोन बे बियाबआवनो त्रीनामुल कंग्रेसआबो बिजाथि फसंफागोन होन्ना खौरां बिजोंनि सिगाङव फोरमायथिदों। बिपिएफ आरो इउपिपिएल दोलोआ सोलो बाहायनानै मोनसे हाखर जावदों आरो बे हाखराव गोलेर फिनानै लाखिदों होन्ना बिजेपि दोलोखौ गोख्रों रवजों सोंखारियो। बिजेपि दोलोआ भारतनि गासैबो ओन्सोलआरि दोलोफोरखौनो सोलो बाहायनानै फोजोबस्नानायानो बिजेपिनि गाहाइ थांखि होन्ना बिबुंथि लाखियो। सावशय मेलनि गेजेरवनो बाक्सा जिल्लानि गोबां मावफारिया, हेफाजाबगिरिफोरा लामा दालां जेबो खालामैनि गोख्रों अजद खालामो। जायखौ लानानै दोलोनि दैदेनगिरिफोरा सोंखारिदों।📷

सानसोरां स्पर्टस क्लाबआ मोन ४०० बिफां फुलि गाइदों

लायो बड'लेण्ड गेलेमु गौथुमनि लोगो आफादगिरि मकुल चन्द्र बर’, एबसुनि बाक्सा जिल्ला गौथुम लोगो आफादगिरि जय सरन नाजारी, सालबारि गोजौसिन् गेजेरआरि फरायसालिनि लोगो फोरेंगिरि फनिधर बसुमतारि, सालबारि जिल्ला गेलेमु गौथुमनि नेहाथारि दावहारु बसुमतारि, गेलेगिरिफोर एबा फोरेंगिरिफोर किसर राम बर’, एबसुनि सालबारि दख'रा गौथुमनि आफादगिरि ससिन्द्र बसुमतारि, गाहाइ नेहाथारि पंकज ब्रह्म, सानसोरां स्पर्टस क्लाबनि आफादगिरि रहेन मसाहारि, नेहाथारि देरहासार बसुमतारिआबो बाहागो लायो। मख'नो गोनांदि, सालबारि गेलेमु गौथुमजों लोगोसे स्टेडियामनि लांगोनायाव ४०० बिफां फुलि गाइनाय जायो। गुबुन फारसेथिं सालबारिनि गुबुन गुबुन राइज्योआरि ओन्सोलफोराव दोलो आफाद फसंथाननि लांगोनायाव सानसोरां स्पर्टस क्लाबनि बान्जायनायाव गासै १ रोजानिफ्रायबो बांसिन बिफां फुलि गाइनाय जादों होन्ना सानसोरां स्पर्टस क्लाबनि आफादगिरि रहेन मसाहारि आरो नेहाथारि देरहासाथ बसुमतारिआ फोरमायदों।📷

सालबारियाव एबसुनि १३ बोसोरबैसो सिंनि जोलुर बादायलायनाया जागायबाय

मोन्थाम गेलेनायाव फारियै कमलाबारि जोलुर दोलोआ फालसिगुरि जोलुर दोलोखौ ट्राइबेकारनि जोहै ३–१ गलनि फारागथियाव फेजेन्नानै उननि राउन्डआव हाबहैनो हायो। गुबुन गुबुन गेलेनायाव बदियागुरि जोलुर हान्जाया सालबारि जोलुर हान्जाखौ ६–० गलनि फरागथियाव फेजेन्नानै उननि राइन्डआव सहैनो हायो आरो उथि गेलेनायाव मिथिंगायारि जोलुर हान्जाया सान्जा बदियागुरि जोलुर हान्जाखौ ४–० गलनि फारागथियाव फेजेन्नानै उननि राउन्डआव दैथायहरो 📷

(📷 १ बिलाइनिफ्राय) गलाघाटआव गोदानै लुफुंनाय स्टेडियाम बेखेवदों गिबि मन्थि ७ हिमन्त बिश्व शर्माआ

फरायसाफोरखौ गेलेमु बिथिङवबो हदरारि आरो माहारियारि थाखोनि गेलेगिरिफोर दिहुन्नायनि थांखिजों खामानि मावबोबाय थादों। बेनिनो बिदिन्थि महैरै गुबुन–गुबुन फरायसालिफोराव स्टेडियाम लुफुंनायनि खामानिया सोलिगासिनो दङ। गलाघाट सरकारि बेजबरुवा गोजौसिन् गेजेर फरायसालिआव बे स्टेडियामखौ थिखानाय समसिमआव आबुङै लुफुंनायाव मदत होनायनि थाखाय गिबि मन्थिआ फरायसालि सामलायगिरिफोरजों लोगोसे जायगानि एमएलए आरो मन्थि अजन्ता नेयगनिसिम साबायखर जासियो। लोगोसे बेखौ लुफुंनायाव ३.५० कौटि रांखौ कपरैट सचियेल रेस्पनसिबिलिटि प्रग्राम बिथांखिनि गेजेरजों अन्सुंथाइ हरनायनि थाखाय गिबि मन्थिआ नुमलिगर रिपाइनारिसिमबो साबायखर जासियो। गोदानै बेखेवनाय बे स्टेडियामआ फरायसाफोरनि थाखाय गाव–गावनि गेलेमुनि रोंगौथि दिन्थिनायनि मोनसे खाबु जगायनानै होगोनखौ मिर्जिंथिनानै बे फरायसालिनि अनगायैबो गलाघाट जिल्लानि साफ्रोमबो लाइमोनफोरनो बे गोदान स्टेडियामआ गेलेनायनि मोजां खाबु जगायनानै होगोनखौ मिर्जिंथिनानै फोरमायो। बेजों लोगोसेनो गिबि मन्थि ७ शर्माआ फरायसालिनि मोनसे गोदान बिल्डी लुफुंनायनि थाखाय ८ कौटि रां आसाम सरकारनिफ्राय हरनो खोथा होयो। बेनि थाखाय जायगानि एमएलएखौ नांगौ रोखोमनि राहा लानो बिथोन होयो। दिनै गिबि मन्थि ७ शर्माआ स्टेडियाम बेखेवनायनि अनगायैबो गलाघाट जिल्लाआव धनसिरि दैमानिफ्राय गलाघाट नोगोरनि खमैबो ५५ रोजा थागिबि सुबुंफोरनो दै जगायनो हानायनि थाखाय १३० कौटि रांनि मोनसे बिथांखि लुफुंनायनि अन्थाइ खाम्फा गायसन्दों। बे दै जगाय बिथांखिनि गेजेरजों गलाघाट सहरनि खमैबो ५५ रोजा सुबुंफोरनो २४ घन्त्य सम गोग्गो लोंग्रा दै जगायनानै होगोन। बे हाबाफारियावनो गिबि मन्थिआ गावनि बिबुंथियाव फोरमायोदि, गलाघाट जिल्लाआ गासै बिथिङवबो गोख्रै जौगाथाइनि फारसे आवगायगासिनो। सोलोंथाइ बिथिङनो जा, देहा फाहामथाइ बिथिङनो जा, गेलेमु बिथिङनो जा गासै बिथिङवबो गलाघाट जिल्लाआ गोख्रैयै जौगालांगासिनो दङ। बेबायदिनो बिदिन्थि महैरै गोबां जौगाथाइयारि फसंथानफोर जैरै- गलाघाट इन्जिनियारि कलेज, मेडिकेल कलेज, केन्चार् हस्पिताल, जिल्ला बेंगिरिनि गोदान मावखुलि, आसाम माला बिथांखिनि गेजेरजों गोबां लामा दालांफोरा मावफुं जागासिनो दङ होन्नानै गिबि मन्थिआ गावनि बिबुंथियाव फोरमायो। बेनि अनगायैबो गिबि मन्थि ७ शर्माआ गलाघाट जिल्ला गेलेमु गौथुमनि गोदानै लुफुंनाय इन्दुर स्टेडियामखौबो बेखेवनानै होयो। मोन ६ टेबोल टेनिस बर्ड आरो मोन ५ बेर्डमिन्टन कर्ट गोनां बे इन्दुर स्टेडियामखौ आसाम सरकारनि नख'र आरो नोगोर जौगाथाइ बिफाननि आवथायाव चिटि इनफ्रास्ट्रक्सार डेभलपमेन्ट फान्ड (चिआईडिएफ) फान्डनि गेजेरजों ७.९४ कौटि रां बाहायनानै लुफुंनाय जादों। दिनै सानसेनि हाबाफारिआव गिबि मन्थि ७ शर्माजों लोगोसे आसामनि आबाद बिफाननि मन्थि अतुल बरा, रांखान्थि मन्थि अजन्ता नेउग, मन्थि जयन्त मल्ल बरुवा, एमपि कामाख्या प्रसाद तासा, एमएलएफोर भवेन्द्र नाथ बराली, मृनाल सईकिया आरो बिस्वजित पुखनजों लोगोसे गलाघाट जिल्ला बेंगिरि फुलक महन्त, गलाघाट मिर्उनचिपाल बर्डनि मासिगिरि दुलुमनि बरबर आरो गेलेमुनि बिफाननि गुबुन गोबां गोजौ थाखोनि दैदेनगिरिफोराबो बाहागो लादोंमोन।📷

सेरफांगुरिआव गोदानै लुफुंनाय रुंसारि टिकेन्द्रजित नार्जारी गोसोखां डिजिटेल मिनि सिनेमा हलखौ बेखेवबाय

सेरफांगुरिआव गोदानै लुफुंजानाय रुंसारि टिकेन्द्रजित नार्जारी गोसोखां डिजिटेल मिनि सिनेमा हलखौ दिनें बिटिआरनि गाहाइ खुंगिरि प्रमद बर’आ बर'नि गोबां गागि फावगिरिफोर, सावथुन दिहुनगिरि, बिथोनगिरि आरो गोबां फावगिरिफोरनि नुजाथिनायाव बेखेवनानै होयो। गोदानै लुफुंनाय बे सिनेमा हलखौ बेखेवखांनायनि उनाव बिटिआरनि गाहाइ खुंगिरि प्रमद बर’आ गावसोरनि खोथा होनाय बायदि खामानिखौ मावफुंनो हानाय एबा डिजिटेल सिनेमा हलखौ गिबियै बेखेवबो मोन्नानै गोजोन्नाय फोरमायो आरो साफ्रोमबो बर’ सावथुनगिरिफोर, महरगिरिफोरनिसिम हामलायथि जासियो। लोगोसे सिगां समआव थांखि लाखानाय बायदि गं ६ सिनेमा हलफोरा आबुङै लुफुंजानायनि उनाव गुबुन मोनब्रै जायगायाव आरोबाव गं ४ सिनेमा हल लुफुंनो होन्नानै बिथाङा फोरमायो। फैबाय थानाय समआव बर’ माहारिनि हारिमु बिथिंखौ जौगाहोनो थाखाय आरो बर’ सावथुनआव गोसो गुदुं खामानि मावग्रा लाइमोनफोर, फावगिरिफोरनो मोकां जायगा जगायनानै होनायनि थाखाय बिटिआर सरकारआ खामानि मावगासिनो दङ। बेनिनो फिथाइ महैरै गोदानै लुफुंनाय सिनेमा हलफोरनि गेजेरजों जौंनि बर’ सावथुन दिहुनगिरिफोर, फावगिरिफोरा बांसिनै खामानि मावबो थुलुंगा मोन्दों। जायखिजाया बर'नि सावथुन दिहुनोब्ला बेफोर सावथुनफोरखौ बे डिजिटेल सिनेमा हलआव दिन्थिनायनि खाबुखौ मोन्नो हागोन। बे सिनेमा हलआव सावथुन दिन्थिनायनि अनगायै सेमिनार एबा मेल जथुमनो हानायनिबो खाबु दङ। जायनि खाबुखौ जौंनि राइजो–राजा आरो आफाद गौथुमफोरा लानो हागोन। बेबायदिनो सेरफांगुरिजों लोगोसे रौता, बागानपारा, रुनिकाता आरो गसाइगावआवबो थाबैनो बेखेवनाय जागोन। बेनि अनगायैबो कक्राझारआव ५०० सुबुंफोरा जिरायनो हानाय गंसे जौगा थाखोनि सिनेमा हल लुफुंनो थाखायबो जौंनि बिटिआर सरकारआ थांखि लानाय जादों। बिटिआरनि गाहाइ खुंगिरि प्रमद बर’आ फोरमायबावोदि, बे बोसोरआव बर’ सावथुन महरगिरि गौथुमनि मावखुलि आरो गेस्ट हाउस लुफुंनो थाखाय बिटिआर सरकारआ थांखि लानाय जादों। बिसाया बोसोरफ्रोमबो महरगिरिफोरनो बान्था रन्नाय हाबाफारियावबो बिटिआर सरकारनिफ्राय अन्सुंथाइ होबोगासिनो दङ। जायफोर बिथांमोना बर’ सावथुन दिहुनो बिसोरखौ थुलुंगा होनो थाखाय बिटिआर सरकारनिफ्राय रांखान्थि अन्सुंथाइ होनायनि थांखि लानाय जादों। बेखौ मोनसे बर्ड दानायनि गेजेरजों मावफुंनाय जागोन। जायफोर फावगिरिफोरा रुंसारि जालांबाय आरो बैसो जानाय बिथांमोनखौबो बरायनायनि थाखाय थांखि लानाय जादों आरो बिथांमोन्नो काउन्सिल थाखोनि बान्था होनो थांगासिनो होन्नानै बिटिआरनि गाहाइ खुंगिरि प्रमद बर’आ फोरमायो।📷

गिबि मन्थिआ गोदानै लुफुंनाय श्री श्री आतकेलिया नामघरनि नातघर बेखेवदों

गोरोबलायनाय आरो जौगानायनि थाखाय फुजा खालामनानै आर'ज गाबदों। मख'नाय जायोदि, नामघरखौ फोजौखांनो थाखाय आसाम सरकारआ थांखि लानाय बायदियै राइज्यो सरकारनि रांखान्थि अन्सुंथाइनि गेजेरजों श्री श्री आतकेलिया नामघरखौ मोनसे जौगा थाखोनि फोजौखांनाय बिथांखि मावफुंदों। जेराव गासै रोखोमनि खाबुफोरखौ थियारि खालामनाय जादों। आलासि जिरायग्रा आलादा खथाजों लोगोसे सिबियारिफोरनि थानो हानाय खाबु, प्रशाद साखोन–सिखोन खालामनायनि थाखाय मोनसे जर'खा खाबु आरो गुबुन गोबां राहाफोरखौ बे नामघरआव फोजौखांनाय जादों। गिबि मन्थिआ बे हाबाफारियाव गावनि बिबुंथि लाखिनाय समआव फोरमायदोंदि, राइज्यो सरकारआ गुबुन–गुबुन जायगायाव थानाय गासै नामघरफोरखौ फोजौखांनायनि थांखि लानाय बायदियै दिनें श्री श्री आतकेलिया नामघरखौ फोजौखांनाया आबु महर मोनबाय। बे फोजौखांनाय खामानिखौ मावफुंनायाव हेफाजाब होनायनि थाखाय नामघर सामलाय आफादनि बिबानगिरिफोर आरो जायगानि एमएलए अजन्ता नेउगनिसिम साबायखर जासिनानै फैबाय थानाय समआव बे नामघरखौ साखोन–सिखोन आरो गोथारै लाखिनो थाखाय खावलायो आरो बे नामघरआव जाहाथे बांसिन सिबियारिफोरा फैनानै आर'ज खालामफैयो बेनि थाखाय गोसो बोहोनो हानाय बायदि राहा लानो नामघर सामलाय आफादनिसिम खावलायो। बेजों लोगोसे राइज्योनि आरो जौगानायनि थाखाय बे आतकेलिया नामघरआव सानफ्रोमबो आर'ज गाबनो थाखाय नामघरनि भक्त'फोर आरो सिबियारिफोरखौ खावलायो। बे नामघरखौ बांसिन समायना आरो फोजौखांनायनि थाखाय गोनांथि जानाय हेफाजाबखौ आसाम सरकारआ हरनायनि थांखि लागोननि खोथा होनानै सरकारजों फोनांजाबआव थाबाय थानो जायगानि एमएलएजों लोगोसे नामघर सामलाय आफादनि बिबानगिरिफोरखौ खावलायबावो गिबि मन्थिआ। दिनैनै बे हाबाफारियाव गिबि मन्थिजों लोगोसे आसामनि मन्थिफोर अतुल बरा, अजन्ता नेउग, रुपेस गवाला, एमपि कामाख्या प्रसाद तासा, एमएलए बिस्वजित फुकन, जिल्ला बेंगिरि फुलक महन्तजों लोगोसे नामघरनि गोबां सिबियारि आरो ओन्सोलनि राइजो–राजाफोराबो बाहागो लादोंमोन।📷

माहाम देहानि राहा

हायजेंआ माखासे गोब्राब बेरामफोराव अमृत बायदि खामानि मावो

हायजें'खौ बांसिनै साहायाव बाहायनाय जायो। साहायाव हाइजें गैयाब्ला बेनि जेबो मुलाम्फा गैया। बेखौ गुबुन गुबुन जाग्रा मुवाफोरावबो बाहायनाय जायो। नाथाय बे फिसा मस्लाया साहानि थावनायखौल' बांहोया नाथाय नोंथानि देहानि थाखायबो जोबोद मुलाम्फा गोना। आयुर्धेंदआव हायजें'खौ गुनफोरनि खनि बुंनाय जायो। बेखौ जाब्ला नोंथाड गावखौ गोबां गोब्राब बेरामफोरनिफ्राय रैंखा खालामनो हायो। मुलियारि गुनफोरजों बुंफबनाय हायजेंआ गुसु, गुजुनाय आरो गुजुनायनि थाखायल' गुन गोनां नडा नाथाय बेफोरजों लोगोसे बेयो माखासे गोब्राब बेरामफोरावबो जोबोद गोहोम गोनां। गुबैयै हायजेंआव थानाय गोबां निउट्रियेन्टफोर जेरै-आयरन, केलसियाम, आयडिन, क्लरिन आरो भिटामिनफोरा नोंथानि देहाखौ गोबां बेमारफोरनिफ्राय गोजानाव लाखियो। मिथिनो गोनांदि, हायजेंआ नोंथांखौ मा बेमारफोरनिफ्राय रैंखा खालामगोन, लोगोसे सानाव बेखौ माब्ला आरो माबोरै लोंनांगौ। हायजेंआ गाहायाव होनाय जेंनाफोराव गोहोम गोनां-

1.एसिडिटि: जुदि जाग्रा आदार जाखांनयनि उनाव एसिडिटि



आरो बिखा आलौनायनि जेंना जायो, अब्ला हायजेंनि बिदै ला। बेयो देहायाव थाडे आरो एसिडनि बिबांखौ सामलायो। बेनिखायनो जाग्रा आदार जानायनि 10 मिनिटनि उनाव कापसे हायजेंनि रोसि लों। 2. मोदोम बारायनायाव गोहोम गोनां: जुदि नोंथाड सानफ्रोमबो हायजेंनि रोसि लोडे अब्ला नोंथाड साननैसोनि गेजेरावनो मोदोम बारायनायनिफ्राय रैंखा मोनगोन। बेयो मेटाबलिजमखौ बांहोयो जाय नोंथानि उडैनि मेजेमखौबो रेहाय होयो। 3.डाइबेटिसखौ सामलायो: जुदि नोंथांहा डाइबेटिसनि जेंना दं अब्ला नोंथाड हायजेंनि दै लोंनो हायो। बेयो देहायाव ब्लाड सुगारनि थाखोखौ बाडय खालामो। जायनि जाहोनाव डाइबेटिस बेरामनि गिनाया जोबहैयो। 4.लोरबां होबथानो हानाय गोहोखौ बांहोयो: जुदि नोंथानि होबथानो हानाय गोहोआ लोरबां जायो आरो नोंथाड

थाबैनो बोथोरारि बेरामफोरनि बोलि जायो आरो लोगोसे गुजुनाय आरो गुजुनायजों जेंनायाव गोग्लैयो, अब्ला नोंथाड हायजें जानांगोन। 5.जरायाव सानायनिफ्राय रैंखा मोनो: बे साहाया जरायाव सानायनिफ्राय रैंखा मोन्नायाव गोहोम खोख्लैयो। बे साहाया सानायखौ बोयो आरो हाथु एबा आखाइ आरो आर्थिनि आसिफोराव सानायखौ बोखारो। 6.पीरियड सानायाव गोहोम गोनां: हाइजेंनि साहाया दानारि सानायनिफ्राय रैंखा मोननायाव मोजां गोहोम खोख्लैयो। बेनि अनगायैबो जुदि नोंथाड गोबायो एबा गोबानो हमो अब्ला हायजेंनि साहा लों। गोबानाया थाबथायो। हायजेंखौ सरासनसायै साहायाव होनायै लोंनाय जायो। नाथाय जुदि नोंथाड बेनिफ्राय बांसिन मुलाम्फा लुबैयो अब्ला साहानि सोलायै बेनि बिदैखौ लों।

आमिर खाननि बावैसो रिलिज जानाय सावथुन 'सितारे जामीन पर' बक्स अफिसआव मोजां कालेक्सन खालामनो हादों



सावथुन 'सितारे जमीन पर' नि गेजेरजों आमिर खाननि बलिउडआव फैफिनायखौ दिन्थियो। 3 बोसोरनि उनाव आमिरआ गावनि गोजाम महरआव फैफिन्दों, जाय बक्स अफिसआव मख'जाथाव गोहोम खोख्लैनो हादों। रिलिजनि 10 साननि गेजेरावनो 'सितारे जमीन पर'आ मख'जाथाव कालेक्सन

मोन्नो हादों। बेजों लोगोसे आमिर खाननि फेस्ला सावथुनआ 2025 माइथायनि बयनिखूइ बांसिन खामायनो हानाय सावथुनफोरनि फारिलाइआव गावनि मुंखौ दोन्नो हादों आरो बे बोसोरनि माखासे सावथुनफोरखौ उनाव लाखिदों। रिलिजनि 10थि सानआव

रबिबारखालि आमिर खाननि फाव खालामनाय सावथुन'तारे जमीन पर'आ बक्स अफिसआव 120 कौटिनि बांसिन खाजोनो बुथुमदोंमोन। बेजों लोगोसे, बे सावथुना दा बोसोरनि बाथि बयनिखूइ बांसिन खामायनो हानाय बलीवुड सावथुन जाबाय। बेनि अनगायैबो, गावनि साबसिन

दिन्थिफुंनयनि थाखाय, 'सितारे जमीन पर'आ 2025 माइथायनि गोबां सावथुनफोरखौ बारलांबाय, जेराव सलमान खाननि 'सिकन्दर' आरो सानी देअलनि 'जात' बायदि गिदिर मुंफोर दं। बेफोर खामायनायनि अन्जिमाखौ नायनानै बेखौ बुंनो हायो दि, आमिर खाननि 'सितारे जमीन पर'आ नायगिरिफोरनि गेजेराव मोजां मोन्जानाय जानानै दं। खौरां बिजोनि रिपर्टफोरनि बायदिब्ला, 'स्टार्स अन द ग्राउन्ड'नि बाजेटखौ 90 कौटिसो अनुमान खालामनाय जादों। बे बिथिखव आमिर खाननि सावथुनआ सिगांनिफ्रायनो गावनि रांबावजाखौ मोनफिनबाय आरो दा मुलाम्फा आर्जिनयनि लामायाव दं। बेखौ रोखायै बुंनो हायो दि, आमिरनि फैफिन्नाया मख'जाथावमोन।

बिष्णु मान्चुनि सिमांनि प्रजेक्ट 'कन्नप्पा'खौ गिदिर फैसालियाव फोसावबाय

बिष्णु मान्चुनि सिमांनि प्रजेक्ट 'कन्नप्पा'खौ गिदिर फैसालियाव फोसावनाय जादों। सावथुना बक्स अफिसआव मोजां अनसायनाय मोनदों। बे सावथुनाव काजलनि बिमा आरो आमिर 'खाननि स्तारे जमीन पर', सावथुनजों सौग्रावनायनि जाहोनाव सावथुना मोजाडैमोजां बेखेवजादोंमोन। फावगिरिफोरनि गेजेराव मडेल बाबु, ब्रह्मानन्दम, प्रीति मुसुन्दन, मधु आरो काजल अग्रवाल बायदि महरगिरिफोरनि गोनां फावफोर दं। बे समावनो, अक्षय कुमार कन्नप्पायाव भगवान शिवनि महराव मोनसे केमिअ फावआव नुजाथिगोन। कन्नप्पाया बक्स अफिसआव 9.35 कौटि रां आरजिदोंमोन। नैथि सानाव, सावथुना 7.15 कौटि बुथुमदोंमोन। बे बिथिखव, मोनसे खोला भारतारि सावथुना मोनै हिन्दी सावथुननि गेजेराव जाय रोखोमै दिन्थिफुंगासिनो दं बेयो थारैनो बाखनायजाथाव। आथिखालाव थामथि साननि ट्रेन्डफोराबो फैनो हमदों। सुलुनि बायदिब्ला, कन्नप्पाया थामथि



सानाव 5.36 कौटि बुथुमदोंमोन। बेजों लोगोसे, सावथुननि गासै बुथुमनाया 21.86 कौटिसिम सौहैबाय। बयनिखूइ बांसिन हांगो दोंगोखौ चेन्नाइआव नुनो मोननाय जादोंमोन, जेराव 28.3 जौखोन्दो नायगिरिफोर नुजाथिदोंमोन।

फावखंगुर अक्षय कुमारनि 'हाउसफुल 5' सावथुना 200 कौटि रांनि खाथियाव सौहैबाय

बलिउडनि फावखुंगुर अक्षय कुमार गिदिर फैसालियाव गासैबो रोखोमनि फाव खालामनायनि थाखाय मोजाडै मिबथिजायो। एक्सन एबा कमेडियानो जा बिसोरहा जेबो बादायलायनाय गैया। आथिखालाव बिथाड सावथुन 'हाउसफुल 5'नि सोमोन्दै खौरांआव थादों। साजिद नाडिवालाजों मोनसे जर'खा सानथांखिनि सिडाव थियेटारफोराव गावनि हिट फ्रेन्वाइजी सावथुनखौ लन्व खालामदोंमोन। हाउसफुलआ बावैसोनि बाहागोनि मोनै मोनै गुबुन गुबुन क्लाइमेक्सखौ थियेटारफोराव दिन्थिनाय



जादोंमोन। अदेबानि 'हाउसफुल 5' सावथुनखौ बांसिन मोजां मोन्दोंमोन। अक्षय कुमार, अभिषेक बच्चन आरो रितेश देशमुखआ बे खेबाव

सावथुनाव बुथारनायनि मोनसे आबुं दाय होनायखौ नुनो मोन्नाय जादों। फेस्ला फाव दिन्थिनायनि थाखाय मुंदांखा फ्रेन्वाइजीनि थाखाय 5 थि

बाहागोआ नायगिरिफोरनिफ्राय जोबोद अन्साइनाय मोन्दों। सावथुननि क्रेजआ सुबुंफोरनि गेजेराव दासिमबो जोबनानै

थाडाखै। बेनि मेथाइ लाल परीआबो जोबोद मोजां मोनजादों। 'हाउसफुल 5' सावथुना बक्स अफिसारआव मोजाडै जाफुंसार जानो हादों। बे सावथुना भारतआव 24 कौटि नेट कालेक्सन खालामनायजों लोगोसे बक्स अफिसआव जायगा आवग्रिदोंमोन। बेनि उनाव फारियै सान्नैसिम सावथुननि रां आर्जिनाया 30 कौटि बारदोंमोन। गिबि सप्ताहआवनो 100 कौटि रांनि क्लाबआव सौहैनो हादोंमोन आरो दासान्दि सावथुना 200 कौटिनि फारसे दावगालांगासिनो दं।

शेफालि जेरीवालाआ रुंसारि जानायनि मोनायाव मा मा जायामोन?



27 जुननि मोनाया बलिउड आरो टिभि इन्डास्ट्रिनि थाखाय दुखुनि खौरां लाबोदों। 'काटा लागा गार्ल' शेफालि जेरीवालाआ 42 बोसोर बैसोयाव हरखाबै रुंसारि जायो। बिथानि थैनायनि दान्दिसे उनावनो पुलिस आरो फेरैन्सिक मोनसे हान्जाया हर गेजेराव बिथानि न'आव फैदोंमोन आरो बिथानि गोथै सह'खौ पस्टमर्टमनि थाखाय कापुर देहा फाहामसालियाव दैथाइ हरनाय जादोंमोन। मोनसे सुलुनि बायदिब्ला, हरनि 9:45 रिगायाव शेफालि जेरीवालानि फिसाइ फावखुंगुर पराग त्यागीआ न'आव बाइकजों फैदोंमोन। परागआ न'आव फैनायनि खावसे घन्टनि उनाव हरनि 10:30 रिगायाव शेफालि जेरीवालाखौ बेलेव्यु देहा फाहामसालियाव लांनाय जादोंमोन। 11 रिगायाव शेफालि जेरीवालाखौ डाक्टरफोरा थैबाय होन्ना फोसावदोंमोन। बेनि उनाव 11:15 रिगायाव शेफालि जेरीवालानि गोथै सह'खौ पस्टमर्टमनि थाखाय कापुर देहा फाहामसालियाव दैथाइ हरनाय जादोंमोन। 1 रिगायाव मुम्बाइ पुलिसआ शेफालि जेरीवालानि हरखाब थैनायनि खौरां मोन्दोंमोन। 1:30 रिगायाव मुम्बाइनि पुलिस आरो फेरैन्सिक हान्जाया शेफालि जेरीवालाया हार्ट एटक जादोंमोन होन्नानै फोरमायो। शेफालि जेरीवालाआ 28 जुनखालि मुम्बाइनि ओशिवारायाव गोथै सह'खौ जोबथा बिदाय होयो। 29 जुनखालि पराग त्यागी आरो बिथानि नख'श फोफाली थैनायखौ फालिदोंमोन।

'ठग्स अफ हिन्दुस्तान' सावथुनाव आमिर खानजों लोगोसे केट्रिना केफखौ नुदोंमोन

मिस्तार पार्फेक्सनिस्ट आमिर खानआ जेब्ला गिदिर फैसालियाव फेदों, बे समनिफ्रायनो गावनि फाव दिन्थिनायजों जादु नांहोदों। बेयाव जेबो सन्देह' गैयादि, बिथाडा सावथुन क्लासिक धोरोमजों लोगोसे ब्लकबास्टर सावथुनफोरावबो जाफुंसार जायो, नाथाय बेबो सैथोदि, बिथानि गोबां सावथुनफोरा गाग्रियै जादोंमोन। बेफोरनि गेजेराव मोनसेया ठग्स अफ हिन्दुस्तान। धुम 3, पीके, दंगल आरो सीक्रेट सुपास्टर बायदि मोनसेनि उनाव मोनसे सुपास्टर



सावथुन होखांनयनि उनाव आमिर खानआ इं 2018 माइथायाव ठग्स अफ हिन्दुस्तान

लाबोयो। बे सावथुननिफ्राय गोबां मिजिं थिनाय जादोंमोन, नाथाय जेब्ला बियो रिलिज

जायो अब्ला जोबोद गाग्रि जायो। बेखौ रिभिउआवबो गुबैयै रवबो मोजां मोनाखैमोन। ठग्स अफ हिन्दुस्तानआव आमिर खान आरो केट्रिना केफखौ नुनाय जादोंमोन, जाय बिथानजों धुम 3 बो खालामदोंमोन। बावैसो, आमिर खानआ रिभिल खालामदोंदि, केट्रिनि सिगांरवबो बे सावथुनखौ खालामनो थाखाय थियारि नडामोन। ठग्स अफ हिन्दुस्ताननि अफारखौ दीपिका पाडुकर, आलिया भाट्ट आरो श्रद्धा कापुरनो होनाय जादोंमोन नाथाय साथामबो सावथुनखौ खालामनो राजि जायखैमोन। आमिरआ फोरमायदोंमोनदि, बे सावथुनखौ खालामनो थाखाय रवबो थियारि नडामोन।

जिएसएनि 67थि बोसोरारि सरासनस्त्रा जथुम्माआ जाफुंसारै जोबलांबाय

गुवाहाटी, 30 जुन: गुवाहाटी स्पोर्ट्स एस'सिएसननि 67थि बोसोरारि जथुमआ गुवाहाटी टाउन क्लाबनि अडिट'रियामआव जाफुंसारै जोबलांबाय। 2024-25 बोसोरनि थाखाय खुंजानाय बे जथुमआव अफिस बेयारफोरनि अनगायै क्लाबफोरनि गनायथि मोन्नाय इउनिटफोरनि सोद्रोमाफोरा बाहागो जाफेदों आरो नोगोरमानि फसंथानफोर आरो सोलोंथाइआरि फसंथानफोरनिफ्राय बाहागो



जाफेदों। बे जथुम्माया थांनाय बोसोरनि बोसोरारि जथुम्मानि सायाव माखासे सावरायज्जलायनायनि गेजेरजों जागायजेनो, जेराव गाहाइ नेहाथारिआ बोसोरारि रिपर्टखौ फरायथिना होयो। जेराव मावफुं सोद्रोमानि हान्दाया बे रिपर्टखौ

गनायनानै हाउसआव गनायथि होनाय जायो। जानो गोनां बोसोरारि टर्मनि थाखाय सन्जाय कुमार बरजातीयआ अडिटर महरै सायख'जायो। लेडाइ नेहाथारि काजल पाल चौधुरिआ बे समाव रां दोन्थुमगिरि महरै सायख'जादों। बे समाव लेडाइ नेहाथारि साज्जाद जाहिर हुसेनआ लेडाइ नेहाथारिनि थाखाय फिन सायख'जायो। गुबुन फरसेमाहारण क्लाबनिफ्राय दिफज्यती बरखाखौ लेडाइ नेहाथारि बिबानआव थिसनफनाय जायो।

